

拾

雅

拾雅卷第十六

高郵夏味堂述

拾遺釋六

釋訓下

四方上下曰宇往古來今曰宙四方上下曰六合亦曰六幕天地之交宇曰宸

史記司馬相如傳出宇宙後漢書班彪傳是故橫被六合漢書禮樂志紛云六幕浮大海文選張衡西京賦消雰埃於中宸

求福曰禱禱謂禱也報福曰祠亦曰賽子福曰嘏受福曰嘏

周禮小宗伯大哉及執事禱祠于上下神示女祝凡  
內禱祠之事禮記檀弓篇君子謂之善頌善禱周禮  
甸祝禱牲禱馬皆掌其祝號說文言部引論語云  
日禱爾于上下神祇史記封禪書冬賽禱祠詩賓之  
初筵篇錫爾純嘏卷阿篇純嘏爾常矣我將篇伊嘏  
文王閟宮篇天錫公純嘏載見篇俾緝熙于純嘏儀  
禮特牲饋食  
禮進聽嘏

酌鬱尊曰裸爵行曰裸奠爵曰啗以酒沃地謂之酌

禮記祭統篇君執圭瓚裸尸周禮典瑞以裸賓客  
書顧命篇三祭三啗後漢書張奐傳以酒酌地曰

色純曰犧體完曰牲肆肆解牲體也醕醕牲胄也舉肺

脊也毛牲曰刳羽牲曰𩚑

書微子篇今殷民乃攘竊神祇之犧牲牲左傳桓六  
年吾牲牷肥腍周禮典瑞裸圭有瓚以肆先王大宗  
伯以肆獻禱享先王以醕辜祭四方百物儀禮有司  
徹佐食受牢舉如饋特牲饋食禮尸實舉于菹豆周

禮小字而掌珥于社稷祈于五祀鄭注  
珥讀爲餌祈或爲創疑師及其祈珥

無牲曰薦加牲曰祭非時而祭曰奠

穀梁桓八年經己卯烝范甯解冬祭曰烝  
薦尚稻鴈禮記祭統篇而舍奠於其廟

世見曰王眾來曰嬭特來曰聘春曰朝秋曰請莫見曰夕

詩殷武篇莫敢不來王周禮考工記玉人琢圭璋八  
寸璧琮八寸以類聘史記吳王濞傳及後使人爲秋  
請魏其武安侯傳不得入朝  
請左傳昭十二年子革夕

天子所至曰幸天子所進曰御

見蔡邕  
獨斷

主天子物曰尙天子之書曰中

拾雅

卷十六

二

漢書惠帝紀宦官尚食比郎中漢書藝文志劉向以中古文易經

父死子繼曰世亦曰生兄死弟繼曰及

國策秦策取世監門子史記周本紀世后稷公羊莊卅二年傳一生一及

月計曰要歲計曰會前後三考而絀陟命之曰計計上計也上功曰最下功曰殿明其等曰閔積其功曰閔爵之次曰階除故官就新官曰除致仕曰老不用曰罷家業世傳曰疇

周禮小宰八曰聽出入以要會前後三考見春秋繁露考功名篇管子立政篇州長以計于鄉師史記終侯周勃世家擊章邯車騎殿攻槐里好時最後漢書章帝紀或起剛故不繫閔閔文選潘岳籍田賦森奉璋以階列漢書景帝紀初除之官左傳隱三年桓公立乃老顏氏家訓雜藝篇不用爲罷漢書律曆志疇

人子弟  
分散

在君曰政在臣曰事

左傳昭廿五年爲  
政事庸力行務

稅租也取其租稅曰采稍食曰廩

史記張釋之馮唐傳軍市之租索隱軍中立市市有  
稅公羊襄十五年傳以邑氏也何休注所謂采者不  
得有其土地人民采取其租  
稅爾周禮校人宮中之稍食

百姓百吏百官也古者士大夫通曰子子有德之稱也

書堯典篇平章百姓酒誥篇越百姓里居詩天保篇  
羣黎百姓國語周語百吏庶民公羊宣六年傳子大  
夫也禮記曲禮  
篇於外曰子

父者字也丈夫之顯稱也甫之言丈夫也倩士之美稱

武士也

公羊桓二年傳於是先攻孔父之家史記孔子世家  
尼父詩甫田篇倬彼甫田儀禮土冠禮伯某甫漢書  
朱邑傳昔陳平雖賢須魏倩而後進  
淮南覽冥訓勇武一人爲三軍雄

孩提二三歲之間也束髮成童也成童年十五也束修  
年十五已上也六尺謂十五七尺謂二十少謂三十以  
前也

孟子孩提之童大戴禮保傅篇束髮而就大學後漢  
書李固傳年始成童延篤傳且吾自束修以來明帝  
紀並可以受六尺之託班超傳妾  
竊聞古者十五受兵論語少之時

少長曰天鷲彌赤子嬰兒也吾子小男小女也孺子曰  
穀孺子童子也黃口童牙幼小也小子弟子也

禮記王制篇不夭天月令篇則胎天多傷妖與天同  
史記周本紀所棄妖子徐廣注天幼少也禮記雜記  
篇中路嬰兒失其母焉鄭注嬰猶鷺彌也鷺倪與鷺  
彌同孟子反其施倪趙岐注倪弱小鷺倪者也又孟  
子不失其赤子之心者也管子海王篇吾子食鹽二  
升少半荀子禮論篇臧穀猶且羞之孟子有孺子歌  
曰淮南記論訓不殺黃口後漢書崔駰傳甘  
羅童牙以報趙禮記少儀篇小子走而不趨

### 諸侯卿大夫士之子曰國子

周禮諸子掌國子之倅

夫家男女也諸君老男老女也巨室豪右大家也命家  
謂受爵命一爵爲公士以上者

周禮小司徒以稽國中及四郊都鄙之夫家九比之  
數管子海王篇今吾非籍之諸君吾子孟子不得罪  
於巨室後漢書明帝紀無令豪右得固  
其利漢書食貨志令命家田三輔公田



良人君子也長者豪俠者也重厚自尊亦謂之長者大  
人嚴莊之稱也祭酒一坐所尊也名士處士不仕者  
生小人也

呂氏春秋序意篇良人請問十二紀後漢書馬援傳而反游京師長者韓非子詭使篇重厚自尊謂之長者易師貞丈人吉後漢書班超傳祭酒布衣諸生耳禮記月令篇聘名士漢書異姓諸侯王表處士橫議張良傳飯生說我拒關毋內諸侯莊子列禦寇篇宵人之離外刑者

倍人曰戎五人曰茂十人曰選百人曰俊千人曰英倍  
英曰賢萬人曰傑萬傑曰聖

見白虎通義聖人篇引別名記案禮記月令篇贊傑俊孔穎達正義引蔡氏辯名記左傳宣十五年鄆舒有三雋才正義全引此文亦作辯名記辯別字義本通或得兩用與宣十五年正義作倍選曰雋雋俊字

通

同門曰朋同志曰友信友道曰任

公羊定四年傳朋友相衛周禮大司徒孝友睦婣任恤

大飲賓曰饗以酒食勞人曰饗

詩彤弓篇一朝饗之儀禮聘禮壹食再饗周禮棄人書其等以饗工儀禮士昏禮舅姑共饗婦以一獻之禮左傳莊十七年饗齊戍

進酒於客曰獻客答之曰酢主人又自飲酌賓曰酬酬道飲也酌而無酬酢曰醕

詩行葦篇或獻或酢楚茨篇獻酬交錯瓠葉篇酌言醕之醕醕儀禮士冠禮若不醕則醕用酒士昏禮記則使人醕之禮記昏義篇父親醕子而命之迎

禮之立成者曰飫

國語周語  
王公立飫

酒以筐曰醢以藪曰醕浩酒曰滌發酒端曰舉能者飲  
不能者已曰飮飲酒齊色曰湎醉冥曰沈病酒曰醒以  
酒爲囚曰酣酣酒曰醬醉曰醺不醒不醉曰酣亦曰中  
半在半罷曰闌

詩伐木篇醢酒有莫周禮司尊彝凡酒修酌鄭注修  
讀如滌濯之滌儀禮鄉飲酒禮舉觶于賓詩常棣飲  
酒之飫韓詩作飲酒之醢書酒誥篇罔敢湎于酒允  
征篇沈亂于酒詩節南山篇憂心如醒書微子篇我  
用沈酗于酒無逸篇毋若殷王受之迷亂酗于酒德  
哉酌與酗同漢書趙充國傳湯數醉醕兼人漢書敘  
傳中山淫營說文西部引詩公尸來止醕醕史記高  
祖本紀酒醕酒闌漢書樊噲傳項羽既饗軍士中酒

合錢飲酒曰醪已沐飲酒曰饌

禮記禮器篇司禮其猶醪與少儀篇饌者醪者

祖而舍輒飲酒于其側曰餞

詩泉水篇飲餞于禰又崧高篇王餞于鄆鄭箋餞送行飲酒也

王德布於天下而合聚飲食曰酺

漢書文帝紀酺五日

佐禮者曰擯在主人曰擯在客曰介從後詔禮曰延鄉人爲卿大夫來觀禮者曰僎亦曰遵

儀禮士冠禮擯者請期士昏禮擯者出請事禮記檀弓篇子游擯由左儀禮覲禮擯者延之曰升禮記少儀篇介爵酢爵僎爵皆居右儀禮鄉飲酒禮遵者降席鄉射禮大夫若有遵者

一請曰禮請再請曰固請一辭曰禮辭再辭曰固辭三

辭曰終辭

儀禮聘禮禮請受士冠禮賓禮辭士昏禮聘禮同書大禹謨篇禹拜稽首固辭禮記曲禮篇主人固辭

古者謂候爲進

禮記曲禮篇聞子有客使某羞鄭注羞進也

致物于尊者曰獻通行曰饋以禮物相慶曰賀於卑者曰賜送行贈賄曰贈野饋曰餼付人物曰齎

周禮玉府凡王之獻金玉漢書高帝紀聞令有重客皆往賀禮記少儀篇其以乘壺酒束脩一犬賜人孟子行者必以贐左傳成五年故宣伯餼諸穀儀禮聘禮記又齎皮馬史記貨殖傳齎貸子錢

推手曰揖引手曰厭平衡曰拜首至地曰稽首首至手

曰拜手肅手至地若今擗擗揖也婦人手至地曰扱地式小俛

周禮司儀土揖庶姓天揖同姓時揖異姓儀禮鄉射禮揖弓大射儀同鄉飲酒禮賓厭介介厭衆賓平衡見荀子大略篇書舜典篇禹拜稽首公羊宣六年傳北面再拜稽首書大甲篇伊尹拜手稽首召誥篇拜手稽首曰周禮春官大祝九曰肅拜左傳成十六年敢肅使者杜注肅手至地若今擗儀禮士昏禮婦拜扱地士喪禮君式之

行而張拱曰翔步而張足曰趨再舉足曰步

禮記曲禮篇室中不翔少儀篇執龜策不趨禮記祭義篇跬步而不敢忘孝也

頂首也首元頭也首腦上縫曰凶羈貫交午剪髮爲飾也髻所遺髮也髻髦也髮至眉曰髦鬢後垂曰髻亦曰

髻總束髮垂爲飾也總角收髮結之也鬢黑髮也結會撮頭髻也以組束髮乃著笄謂之會沛國人謂反紒爲髻髻鬢也髮亂曰鬢髮皓落曰宜顧少髮也亦謂之髻秃髻無髮也突短髮也律理髮也麻髮合髻曰髻沐去首垢也頰舉頭也領搖其頭或曰低頭也

易大過過涉滅頂公羊莊十二年傳碎其首禮記曲禮篇牛曰一元大武內則篇男角女羈鄭注夾白曰角穀梁昭十九年傳羈貫成童禮記內則篇擇日剪髮爲髻後漢書伏湛傳髮髻屬志詩柏舟篇髻彼兩髦文選李康運命論椎紒而守教庾海陵之倉李善注紒卽髻字漢書司馬相如傳黃纓垂髻禮記檀弓篇而總入寸內則篇笄總總角矜綬詩君子偕老篇鬢髮如雲紒紒紒與鬢通左傳昭廿八年昔有仍氏生女黥黑杜注美髮爲黥楚辭招魂篇激楚入結莊子人間世篇會撮指天周禮弁師王之皮弁會

五采鄭注故書會作齡鄭司農注又引士喪禮檜用  
制乃并作證會齡檜竝同矣楚辭招魂篇盛鬋不同  
人半矩謂之宣易說卦傳爲宣髮陸德明釋文黑白  
雅爲宣髮義亦相近說文頁部引周禮數目顧脰考  
工記鄭注故書顧或作恆禮記明堂位夏后氏以楬  
豆荀子非相篇突禿長左荀子禮論篇不沐則濡櫛  
三律而止栗與律通楊倞注今秦俗猶以杜髮爲栗  
左傳襄四年國人迎喪者皆髻論衡譏日篇沐去首  
垢也說文頁部引詩曰有頰者弁左傳襄廿六年頰  
之而已說文頁部引  
春秋傳作頰之而已

盧頰角也角犀顏角有伏犀也匿犀伏犀也日角庭中

骨起如日也頰面也

漢書武五子傳贊頭盧相屬於道國語鄭語惡角犀  
豐盈後漢書李固傳鼎角匿犀光武紀隆準日角易  
夬壯  
于頰



準鼻也頰鼻莖也頻頰也蹙頰曰瞋鼻歆翕其氣爲嗅鼻徹爲顛高鼻曰蠡準鼻如蝎曰曷鼻

史記高祖本紀隆準而龍顏後漢周燮傳生而斂頰折頰醜狀駭人易與頰與莊子天運篇西施病心而瞋其里論語三嗅而作莊子外物篇鼻徹爲顛史記秦始皇本紀蓬準范睢蔡澤傳先生曷鼻巨肩

嚔眉也眉上曰揚亦曰衡眉目之間曰顏

易復頰復陸德明釋文頰本又作嚔鄭作顰詩君子偕老篇揚且之哲也文選左思魏都賦乃盱衡而誥曰國語齊語天威不遠顏咫尺

兌目也睛瞋目瞳子也波目華也盼白黑分也眚目崖也眵眚毛也眉睫之間爲眇目下爲清目徹爲明瞭目明者也以目通指曰眈亦曰眴舉目使人曰眴瞋動也

眇細視也浸微視也瞶大視也眈長眈也眈窮視也眈  
歷視也覲索視也眈視近而志遠也望羊遠視也煦轉  
睛也瞥裁見也瞠直視也瞿瞪視也俛倪斜視也睇傾  
視也睽暫視也眈驚視也睽睽盱張目也睽仰白目怒  
也睽失意視也睽眦舉目也睽低目視也回首曰顧還  
顧視也覘闚視也遺視竊視也亦謂之瞶愕視曰眈眈  
出目也隅目角眼視也眦目目豎也眦芥入目也蝸眈  
目疾也

老子塞其兌淮南主術訓猶不能見其睛文選揚雄  
甘泉賦玉女之所眺其清臚兮楚辭招魂篇目曾波  
些詩碩人篇美目盼兮漢書揚雄傳逢蒙列眦列子  
湯問篇拭眦揚眉而望之爾雅釋鳥鷺春鉏郭璞注

今江東人取以爲曉樸陸德明釋文曉又作映文選  
張衡西京賦昭藐流野詩猗嗟篇美目清兮莊子外  
物篇目徹爲明周禮春官序官眡瞭公羊文七年傳  
眡晉大夫使與公盟也漢書項籍傳梁眡籍曰可行  
矣戾太子傳以湖閩鄉邪里聚爲戾園孟康注閩古  
閩字從門中旻莊子庚桑楚篇終日視而目不瞋漢  
書敘傳離婁眇目於毫分淮南兵略訓浸想宵類文  
選木華海賦撲眇無度陸機弔魏武帝文貯美目其  
何望莊子天地篇眇然在繆繳之中史記屈原賈  
生傳眇九州而相君兮文選左思吳都賦觀海陵之  
倉說文目部引易曰虎視眈眈家語辨樂篇曠如望  
羊本命篇及生三月而微煦文選張衡思元賦避塵  
外而瞽天兮莊子田子方篇而同瞳若乎後矣愴瞠  
瞪竝與瞳通漢書孝成趙皇后傳曰愴也文選馬融  
長笛賦留視瞠眇而方偃仰瞪眇荀子非十二子篇  
瞿瞿然史記信陵君傳俾倪故久立辟倪睥睨與俾  
倪同史記魏其武安侯傳辟倪兩宮間司馬貞索隱  
引埤蒼作睥睨禮記內則篇欠伸跛倚睥睨文選郭  
璞江賦預睨睨眇乎暨空覲與睨通說文見部引公  
羊傳覲然公子陽生王延壽魯靈光殿賦佹欺倪以

鵬耽李善注耽與瞞同顛顛顛而睽睽荀子非十二  
子篇肝肝然史記伯夷傳暴戾恣睢文選左思魏都  
賦睽焉失所漢書杜欽傳報睽此怨說文目部引周  
書曰武王惟睽詩匪風篇顧瞻周道莊子秋水篇還  
軒蟹與科斗禮記檀弓篇晉人之規宋者楚辭招魂  
篇遺視睽些太元衆次七哭且睽史記滑稽傳目眙  
不禁左傳宣二年睽其目文選張衡西京賦隔目高  
睽後漢書梁冀傳鳬肩豺目淮南繆稱訓故若睽而  
撫淮南傲真訓  
而羸瘠竭眈

目少精爲眊眊目不明也覲小見也眇盲也無眸子曰  
眊

孟子則眸子眊焉後漢書廉范傳君困厄眊亂邪說  
文見部引爾雅曰覲擊弗離易履眇能視詩靈臺篇  
矇矇奏公國語周  
語矇賦矇與眊同

耽耳大垂也聑耳垂也聑耳漫也聑不聞也聊嗽耳鳴

也

說文耳部引詩曰士之耽兮春秋傳曰秦公子貜史記老莊申韓傳謚曰聘莊子逍遙遊篇聲者無以與乎鐘鼓之聲楚辭九歎遠遊篇耳聊啾而憺慌

頰面權也權兩頰也耳目之間曰輔頰倩好口輔也箸頰上窒曰醵輔頰輔謂之嫵媚狹面銳頤曰領口耳之間曰耳

易夬壯于頄文選曹植洛神賦鬢輔承權易咸咸其輔頰舌詩碩人篇巧笑倩兮淮南說林訓醵輔在頰則好史記司馬相如傳嫵媚婢嫵漢書揚雄傳領頤折頰禮記曲禮篇負劍辟耳詔之

門口也吻口角也車牙也兩畔最長者曰齟齬本曰矧亦曰齟齬齟側齒齧也牙齒參差謂之齟齬相值謂之

嘖

老子開其門漢書王褒傳亦傷吻敝策而不進於行  
呂氏春秋權動篇若車之有輔也儀禮士喪禮賓貝  
杜右顧左顧素問上古天真論故真牙生而長極蓋  
真與顧通矣禮記曲禮篇笑不至矧矧與哂通論語  
夫子哂之文選王延壽魯靈光殿賦元熊珌談以斷  
斷史記田單傳齡齡用事周禮考工記輪人察其齒  
蚤不齟說文齒部  
引春秋傳曰啗齟

噉號呼也噉嗃大呼也噉大喚也小兒啼呼曰呼嘖兒  
泣不止曰啗杖不勝痛曰阿暑咄嘖附耳小語也口拒  
人謂之赫譏恆語急而吃也瘖不能言也短舌不能言  
爲涖灘虛口滌口也以酒曰醕以水曰嗽

禮記曲禮篇毋噉應史記信陵君傳晉鄒噉噉宿將  
文選馬融長笛賦鍾鑿營噉宋玉風賦啗啗噉噉獲李

考

卷十六

二

善注獲與嘯通漢書灌夫傳諄服謝罪晉灼注服音灼漢書外戚傳咥不可止今東方朔傳舍人不勝痛阿曇史記魏其武安侯傳乃效女兒咥囁耳語詩桑柔篇反予來赫列子力命篇譏極禮記王制篇瘖聵跛辭斷者呂氏春秋序意篇歲在涕瀝禮記曲禮篇客不虛口

齧重頤也口上曰腭口下曰舌張口曰呿亦曰哆口不

正曰噤

詩澤陂篇碩大且儼御覽三百六十八引韓詩儼作齧行葦篇嘉穀脾腭釋文引通俗文以腭函分口上下而毛傳則曰腭函也蓋總舉而言領音與函近公羊宣六年傳絕其領函與函通文選王褒洞簫賦瞋函瞋以紆鬱詩終風篇願言則嚏陸德明釋文嚏作走毛傳劫也釋文又引崔注云毛訓走為呿今俗人云欠不作劫字其說是也文選劉峻辨命論哆噤頤頤

毛須髮也鬣須也思多須也彰頰有毛也髯頰毛也頰

頤下毛也

國語楚語至於手捫毛脈左傳昭七年楚子使長鬣者相宣二年于思于思案陸德明釋文思多鬣貌杜注則云多鬣貌鬣多者上屬於鬣多鬣即多鬣也漢書高帝紀美須髯注在頤曰須在頰曰髯高帝紀美須髯注在頤曰須在頰曰髯蓋義得相通矣莊子外物篇壓其顙

亢咽也咽下垂曰啍噎喉也啼極無聲曰噉喝啞也噎

餽也食不下曰餽噎嘔吐也

爾雅釋鳥亢鳥嚙亢與亢同史記張耳陳餘傳乃仰絕航遂死文選王褒洞簫賦瞋啍啍以紆鬱莊子庚桑楚篇兒子終日嗥而啞不啞陸德明釋文啞崔作喝楚辭大招篇不啞啞只漢書賈山傳祝餉在前師古注餉古體字左傳哀廿五年君將噎之

愁笑也莞小笑啞嘖嘖大笑嗟巧笑粲然盛笑也孩小



兒笑也

後漢書張衡傳戴勝愁其既歡今論語夫子莞爾而笑說文口部引詩曰咍其笑矣史記信陵君傳晉鄙嘆咍宿將莊子達生篇桓公蹶然而笑曰詩竹竿篇巧笑之瑳穀梁昭三年傳軍人粲然皆笑孟子孩提之童文選潘岳寡婦賦孤女藐焉始孩

血淚也淚下無聲曰泣自目曰涕自鼻曰洟亦曰泗無聲自出爲洵涕

文選李陵答蘇武書戰士爲陵飲血禮記檀弓篇泣血三年易萃齋咨涕洟禮記檀弓篇垂涕洟詩澤陂篇涕泗滂沱國語魯語無洵涕

胡頸也顧長脰也脰脰肉也會撮項椎也擊戾項曲戾不能仰者也

漢書金日磾傳曰磾梓人數目顧脰儀禮士虞禮取諸左脰上莊子人間世篇會撮指天荀子修身篇非擊戾也

脰心之上口之下也隅肩頭也鳶肩肩上竦也人斂身謂之腴肩子無右臂也子無左臂也

易咸咸其脢儀禮士喪禮記卽牀而奠當隅後漢書梁冀傳爲人鳶肩糾目文選潘岳射雉賦雉腴肩而旋踵李善注引漢書公孫瓚曰脅肩低首則脅腴通用矣爾雅釋蟲蛭蝮郭璞注一名子子

拇擘大指也飯大擘指本也食指第二指將指中指也扨指間也鬲盪也滿手曰盪扨指捻也指取物曰拈捲手曰握一手曰把合手曰拱沓手曰拱兩手相拱著而不申曰握遞兩手薄其心曰葉拱手發衣曰擗手搏曰

下兩手相擊曰振董擊掌後節中也

易解解而拇爾雅釋魚蝮鰭博三寸首大如擘案易解而拇陸德明釋文引陸績注拇足大指與詩生民篇鄭箋敏拇也釋文及易咸咸其拇虞翻注並同而國語楚語云至于手拇毛脉高誘注解而拇釋文又引王肅注並云拇手大指是手足大指俱名拇又案儀禮鄉射禮袒決遂鄭注決著右大擘指士喪禮設決麗于擘鄭注掇大擘本竝指手大指而爾雅釋魚釋文云案手足大指俱名擘是皆得通稱也儀禮士喪禮自飯持之左傳宣四年子公之食指動定十四年闔廬傷將指儀禮鄉射禮記凡挾矢於二指之間橫之鄭注此以食指將指挾之易繫辭傳歸奇于扚儀禮士喪禮苴經大鬲喪服傳鬲作搗二字同也史記孝武本紀莫不搯腕文選潘岳笙賦搯纖翮以震幽黃列子湯問篇女何蚩而三招予張湛注招一本作拈莊子庚桑楚篇終日握而手不規孟子拱把之柯梓左傳僖卅二年爾墓之木拱矣論語子路拱而立管子入國篇聾盲喑啞跛蹙偏枯握遞家語辯樂解師襄子避席葉拱而對曰儀禮士虞禮佐食許諾

鉤袒鄭注鉤袒如今環衣也又禮記王制篇羸股肱鄭注謂環衣出其臂脰陸德明釋文環依字作搏漢書哀帝紀贊時覽卞射武戲并與卞通呂氏春秋古樂篇帝譽乃令人拊周禮大祝四曰振動儀禮士喪禮設決麗于拊士喪禮記繫鉤中指結于拊

背脊曰俞脊肉也呂脊也背脊曰末要以上曰上旅要以下曰下旅背上兩膊間曰胛痠僂背曲疾也

素問奇病論治之以膽募俞易艮列其夤國語周語氏曰有呂莊子外物篇末僂而後耳周禮考工記函人權其上旅與其下旅後漢書張宗傳中牟貫胛列子黃帝篇見一痠僂者承龜

脊高也心下爲膏肓大腹

左傳成十年居脊之上膏之下說文岡部高下心上爲脊引春秋傳作病在脊之下說與左傳杜注異李畏吾云案鍼灸圖經椎骨諸穴心膈二穴在第五椎下高膈二穴在第七椎下是高下於心閒一椎不得

反居心上安有心上高下之間耶今本說文誤也案李說良是第圖經又云第四椎下謂之膏肓肓肓然則膏肓豈猶在心高之上耶或以四椎握其樞或稱名各別疑未能明也左傳宣二年蟠其腹

限要也肓要骨也幹脇也腋下謂之脇胯股也股間謂之隈脈醫也醫尻也蛟赤子之命原也

易艮艮其限文選揚雄解嘲折脅摺肓公羊莊元年傳協幹而殺之左傳僖廿三年公聞其駢脅史記淮陰侯傳出我袴下袴胯通莊子徐無鬼篇奎蹄曲隈德充符篇闔跂支離無脹國語周語故名之曰黑醫老子未知牝牡之合而駿作

膕膝蓋也膝上曰股膝下曰脛胫骹脛也髀骹骨也髀髀上也攀兩膝曲也

荀子正論篇捶笞膕脚論語以杖叩其脛爾雅釋訓駢場爲微釋畜四散皆自駢周禮考工記輪人去一

以爲散圍儀禮士昏禮髀不升漢書賈誼傳至於  
髀髀之所史記范雎蔡澤列傳髀顏蹙類膝攀

膝下足上曰辨腓腳膊也跗足上也𡗗足跗也𡗗足大  
指也亦曰將指踝跟也跟足踵也蹠超遽不暇以次也  
不拾級而下曰𡗗不拾級連步而升曰栗足所蹈爲礪  
側行曰越卻行曰𡗗以足據持曰蹠以足逆𡗗曰𡗗𡗗  
一足行也輒如見伴𡗗也𡗗聚合不解也蹠累足也累  
次足不得並足也卻行不前曰次舉足小高曰蹠蹠足  
爲跖挂指爲躡伸兩腳而坐曰箕踞跛足廢也𡗗跛也  
偏任亦爲跛腳長短爲蹠蹠脚也手足擊爲𡗗

易剝剝牀以辨咸咸其腓儀禮士喪禮結于跗連紉  
既夕記長及𡗗莊子庚桑楚篇臘者之有臄臄左傳

宣四年子公之食指動孔疏足以大指爲將指手以中指爲將指禮記深衣篇負繩及踝以應直後漢書張衡傳跼焦原而跟止公羊宣六年傳蹠階而走陸德明釋文踏又作是儀禮公食大夫禮賓栗階升不拜鄭注不拾級連步趨主國君之命不拾級而下曰是案鄭意蓋以下之是例升之栗非以是訓栗也文選張衡西京賦當足見碾說文走部引詩曰謂地蓋厚不敢不趨書顧命篇三蛇漢書敘傳超忽荒而躒顙蒼也公羊宣六年傳祁彌明逆而踐之左傳昭廿六年蹠而乘於他舟以歸穀梁昭廿年傳兩足不能相過衛謂之輒楚謂之跣詩正月篇不敢不蹠莊子外物篇揭竿累易其行次且漢書高帝紀亡可蹠足待也地理志女子彈弦跣蹠陸賈傳尉佗難結箕踞禮記問喪篇跛者不踊史記平原君虞卿傳民家有蹠者禮記曲禮篇立毋跛禮器篇有司跣倚以臨事文選陸機文賦故蹠蹠於短韻李善注引莊子吾以一足蹠蹠而行呂氏春秋明理篇有鬼投其蹠高誘注蹠脚也音楊子愛舒一毛之蹠案陳讀作舒以形求之或如鄭注禹貢松子江海之松讀曰治以音求之或如儀禮既夕設披之披皆爲藩禮記玉藻士

祿衣之祿亦作稅與周禮考工記今夫菱解中有  
變焉故校鄭注菱讀如齊人名手足擊為散之散

魄形也息氣也骨幹也末四肢也四肢股肱也管輸也  
渾乳汁也毳腠理也腠膚理也革外薄皮曰膚腠膚毳  
皮也胼手足勞駢併也胝皮厚也繭也誌記也亦謂之  
黑子亦謂之黥子罔兩景外微陰也氣曰煦體曰軀胎  
衣曰胞白骨曰骸有肉曰體肉腐曰齒亦曰瘠骨不埋  
曰捐久血為燐

左傳昭七年人生始化曰魄國語晉語其魄光於民  
矣論語屏氣似不息者太元劇初一骨疊其肉左傳  
昭元年風淫末疾禮記樂記篇奮末廣賁之音作易  
文言傳暢子四支孟子四股之於安逸也支與肢通  
莊子人間世篇五管在上後漢書李善傳乳為生渾  
史記司馬相如傳躬腠胝無脫司馬貞索隱引張揖



注腠一作威又引韋昭注腠威中小毛也禮記禮運  
篇膚革充盈史記李斯傳而股無腠荀子子道篇手  
足胼胝以養其親漢書貢禹傳捫心把土手足胼胝  
史記高祖本紀左股有七十二黑子張守節正義北  
人呼爲鷹子吳楚謂之誌莊子齊物論篇罔兩問景  
曰魍魎與罔兩同文選班固幽通賦惡魍魎之責景  
兮李善注又作罔浪禮記樂記篇煦嫗覆育萬物漢  
書外戚傳善藏我兒胞呂氏春秋孟春紀揜骼羶醢  
禮記月令篇掩骼埋胔漢書食貨志而  
國亡捐瘠者淮南記論訓久血爲燐

在心爲志心服曰畏心動曰悸有膽氣曰膽自內曰說  
自外曰樂樂不勝謂之喤喤易忘曰漏不醉而怒曰曩  
戲而相愧曰靳心不欲見而見曰還色不和曰忤憂愁  
面省瘦曰嫫冥有伎藝欲逞曰伎懣

書旅獒篇志以道寧禮記曲禮篇畏而愛之漢書王  
莽傳病悸寢劇荀子修身篇勇膽猛戾論語不亦說

平不亦樂乎文選嵇康琴賦嗷嗷終日荀子修身篇  
易志曰漏詩蕩篇內吳于中國最與吳通文選左思  
魏都賦姦同內最左傳莊十一年宋公斬之爾雅釋  
詁觀逢遇選也禮記祭義篇是故孝子臨尸而不作  
漢書孝武李夫人傳雉妍太息文  
選潘岳射雉賦徒心煩而伎懣

出已發端曰言答述論難曰語凡尊者之言曰命自下  
而上書曰逆亦謂之奏告上曰告發下曰誥從上語下  
爲臚下傳語告上爲句亦爲納大言而疾曰颺詡大言  
也直言曰讜亦曰鄂岳多言也高氣多言曰囁擅稱君  
命曰矯偶語爲稗爭言爲嘖聚語爲囁徐語曰諛鐫微  
言也亦曰喘不敢正言謂之諷隱隱語也欺遙相語也  
諛詐言也踰言遠淡語也自上言泄下曰漏不與之言

而佞對曰僂易言曰誕言不忠信爲囁言不正曰隋便  
巧言曰諛妄對不謹誠曰鉗言語辨聰而不度於義曰  
膠言偏見曰家言推譽不肖曰讐毀訾賢者曰訾好言  
人惡曰讒加誣曰譖誣諱曰譖兩相斥曰訐讒譁曰訟  
言不副貌曰匱拙語爲椎言語不便利曰連蹇反間曰  
訛私咽語曰鼓嚙胡相嘲調曰舞弄

論語曾子言曰詩公劉篇于時語語周禮大司樂與  
道諷誦言語文選潘岳閒居賦序忝司空太尉之命  
周禮宰夫萬民之復逆論衡對作篇上書謂之奏列  
子楊朱篇不告而娶史記劉敬叔孫通傳臚句傳莊  
子外物篇大儒臚傳曰後漢書劉愷傳歷位出納書  
益稷篇臚陶拜手稽首臚言曰文選揚雄長楊賦誇  
翺衆庶後漢書班彪傳旣成羣后之譙辭黨與譙通  
荀子非相篇博而黨王文選馬融長笛賦不占成節

郭說文品部引春秋傳次於品北口部引春秋傳噉  
言呂氏春秋悔過篇乃矯鄭伯之命漢書藝文志偶  
語爲稗荀子正名篇噴然而不類說文口部引詩曰  
噉沓背憎言部引孟子故諛諛而來漢書薛宣傳故  
使掾平鑄令晉灼注引王常爲光武鑄說其將帥蕭  
該音義按晉灼之意引鑄與之言能無說乎論語作  
與與之言荀子臣道篇端而言端與端通勸學篇端  
而言文選揚雄甘泉賦序奏甘泉賦以風李善注毛  
詩序曰下以風刺上音諷漢書東方朔傳迺與爲隱  
耳論語可欺也漢書藝文志則上詐諉而棄其信禮  
記投壺篇無踰言公羊文六年傳君漏言也漢書孔  
僖傳鄰房生梁郁僂和之曰荀子修身篇易言曰誕  
書堯典篇罷訟可乎禮記曲禮篇言不隋說文言部  
引周書曰截截善謫言論語曰友誦佞家語五儀解  
無取鉗鉗文選左思魏都賦牽膠言而踰侈荀子大  
略篇此家言邪學之所以惡儒者也管子形勢解毀  
譽賢者之謂訾推譽不肖之謂讐莊子漁父篇好言  
人惡謂之謔公羊莊元年傳夫人譖公於齊侯漢書  
梁平王襄傳抵譟置辭趙廣漢傳吏民相告訐楚辭  
七諫怨世篇訟謂閭閻爲醜惡國語晉語其言置漢

書周勃傳其椎少文揚雄解嘲孟軻雖連蹇漢書淮南王安傳王愛陵多千金錢爲中訶長安後漢書五行志請爲諸君鼓囀胡列子仲尼篇爲若舞彼來者奚若

動聲曰吟以聲節之曰誦噉口出聲曰嘯聲哀切曰咬羣呼曰譟

詩大序吟咏性情周禮大司樂興道諷誦言語詩江有汜篇其嘯也歌莊子齊物論篇矣者咬者殺梁定十年傳齊人數譟而起

動容謂之貌頰斂容也志倦則欠體疲則伸矐矮短也論語貌思恭文選宋玉神女賦頰薄怒以日持儀禮士相見禮君子欠仲周禮春官職典同陂聲散鄭注陂讀爲人短罷之罷

無行曰罷行過無禮謂之化僞善爲佞陵上慢下曰驕

驕爲滿見善不更聞諫愈甚謂之狠用人不以次第曰  
天貧賤爲微懦弱爲孱凌弱爲枉專利無厭爲貪貪財  
爲饕貪食爲餐亦爲恠強取爲虐自來而取曰攘有因  
而盜曰攘以身從物曰徇陽浮慕爲乾得利爲乾失利  
爲沒害賢爲嫉害色爲妒男妒曰媚相助匿非曰黨阿  
黨曰比不以道取曰略羣行政劫曰寇殘義損善曰桀  
少見曰陋逶隨不斷曰優持兩端而任意曰兩墮狂惑  
曰昏狂險曰鬼言行險曰詖有貌而無實曰狡名實過  
爽曰繆以白造緇曰辱墨屎謂之无賴吳人罵楚人曰  
倉

荀子王霸篇無國而不有罷士公羊桓六年傳曷爲  
慢之化我也哀六年傳願諸大夫之化我也國語晉  
語佞之見佞論語富而無驕國語魯語其滿之甚也  
莊子漁父篇見善不更聞諫愈甚謂之狠漢書五行  
志主竄臣天書舜典序虞舜側微漢書陳餘傳吾王  
孱王也呂氏春秋仲秋紀無或枉撓逸周書芮良夫  
篇惟以貪諛爲事左傳文十八年謂之饕餮楚辭離  
騷衆皆競進而貪憚兮漢書武帝紀而撓虔吏因乘  
其父攘羊漢書賈誼傳貪夫徇財列士徇名史記酷  
吏傳始爲小吏乾沒楚辭離騷各興心而嫉妬史記  
五宗世家王后亦以媚妒論語吾聞君子不黨又云  
君子周而不比左傳襄四年季孫曰略書舜典篇冠  
賊姦宄呂氏春秋功名篇桀紂貴爲天子荀子修身  
篇少見曰陋管子小匡篇人君惟優與不敏爲不可  
後漢書宦者傳唐兩廂國語周語無天昏札瘥之憂  
荀子非十二子篇尚宇鬼瑱漢書禮樂志貪饕險詖  
詩山有扶蘇篇乃見狡童獨斷名實過爽日繆儀禮  
士昏禮今吾子辱列子力命篇墨屏單至  
漢書賈誼傳國制論攘晉灼注拾音倫

食盡曰噍恣滋味曰溲一舉盡嚮曰嘍

管子弟子職篇唯噍之視禮記儒行篇其飲食不溲曲禮篇毋嘍炙

直行爲經周行爲營東西爲交斜行爲錯曲折曰逝直  
度曰絕東行曰下草行曰跋水行曰涉二人爲耦有中  
曰參一前一卻曰首鼠無符籍妄出入曰闌

左思魏都賦延閣允宇以經營詩楚茨篇獻酬交錯  
莊子山木篇日殷不逝史記天官書後六星絕漢句  
奴傳益北絕幕國語晉語公以二軍下次於陽樊詩  
載馳篇大夫跋涉左傳昭十二年跋涉山林襄廿八  
年跋涉山川襄廿九年射者三耦逸周書武順解有  
中曰參漢書灌夫傳何爲首鼠兩端汲黯傳闌出財  
物如邊關乎成帝紀闌入上方掖門

以尊適卑曰臨自上安下曰尉自下受上曰承在上曰



據下託上曰仰在旁曰挾在旁而及曰施挾之而投於地曰掖逆擊曰詔外閉曰闔追來爲歸登躡曰駘近日離遠曰別

周禮兇人凡王弔臨漢書百官公卿表太尉秦官易歸妹女承筐無實後漢書班彪傳挾鄧霸據龍首荀子議兵篇上足仰則下可用也儀禮喪服傳絕族無施服後漢書張衡傳禮至以掖國作銘莊子人間世篇若唯無詬漢書律厤志該臧萬物而雜陽陽種也顏氏家訓雜藝篇迫來爲歸史記天官書兵相駢藉楚辭離騷篇余既

不難夫離別兮

外譽而得其情曰飛內惑而得其情曰鉤

鬼谷子飛箝篇飛而箝之引鉤箝之辭

一人讀書按其繆誤爲按一人持本一人讀書若怨家

相對爲讎

文選左思魏都賦讎按篆籀

枉法以財相謝曰賕以財相賕曰購見不以禮曰干以事干人曰相竿摩私相託曰請寄

漢書王子侯表坐縛家吏恐獨受賕棄市後漢書魯恭傳恭到重購賞穀梁定四年傳挾弓持矢而干闔廬後漢書董卓傳時人號竿摩車漢書鮑宣傳請寄爲姦

以威力脅人曰獨

漢書王莽傳恐獨良民

自營爲么八么爲公

左傳昭七年王臣公韓非子五蠹篇背私謂之公

在衣曰懷在背曰被挾之於旁曰劍抱小兒曰擁樹肩曰儋煩擱猶接莎也以香塗身曰釁

楚辭九章懷沙篇懷瑾握瑜兮九歎愍命篇懷椒聊之設設兮九章涉江篇被明月兮佩寶璐禮記曲禮篇負劔辟咎詔之漢書夏侯嬰傳嬰常收載行面雍樹馳國語齊語負任儋荷檐與儋同楚辭哀時命篇負檐荷以丈尺兮詩葛覃篇薄汗我私毛傳汗煩也國語齊語三釁三沐之

覆取之曰拔從後引曰倚牽引前卻曰根格舉手擬之曰擗失據而倒曰邊自頽曰壞傷敗曰劓可輕賤曰僂橫道白言曰遮出而道留謂之擁

呂氏春秋慎行篇園朱方拔之國語魯語倚止晏菜焉漢書息夫躬傳躬倚祿曰灌夫傳引繩排根揚雄傳所麾城擗邑王式傳陽醉邊墜史記秦始皇本紀墮壞城郭後漢書段熲傳臣兵累見折劓禮記表記

篇君子不以一日使其躬僂焉如不終日史記高  
帝紀遮說漢王管子明法篇出而道留謂之擁

相導爲輔矯過爲弼在前曰引在旁曰翼相撫掩容養  
爲猗靡臣閉其主曰壅貪以賂官曰墨

國語越語憎輔遠弼詩行葦篇以引以翼漢書司馬  
相如傳扶輿猗靡壅閉見韓非子主道篇貪墨見家

語正  
論篇

王天子也縣官天子也三公謂之三吏相三公也出爲  
二伯一相處於內柱國相國也冢卿孤卿也卿士六卿  
掌事者也圻父司馬農父司徒宏父司空也師氏中大  
夫也征夫大行人也監工工官長也植將主也百尹百  
官之長也帥軍將也殷之州長曰伯虞夏及周曰牧刺

舉州牧也大郡曰守小郡曰尉牧田官也田畯田大夫也甸人有司主田野者祝接神者也夏祝習夏禮者商祝習商禮者導官主導擇米以供祭祀曰官曰御典麻數者公史典禮書者筮人亦謂之史訓人師長也瞽胥音官冷人瞽臣樂官也工樂人也士理李獄官也準人士官也橫紀察之官也行李使人也適人宣令之官也執訊通訊問之官也柱下史主四方文書者也虎賁勇士也褚師市官也賈正市吏也水衡主水官也蒼兕主舟楫官也輯濯士主行船者也圉扈阜騶養馬者倌人七騶主駕者與師主兵車者獸臣虞人桑虞主桑者四

監主山林川澤之官麓主苑囿之官校人池沼之吏也  
漁師榜人也委吏主委積倉廩之吏也嗇夫主幣之官  
綴衣掌衣服者也服休燕息之近臣也御近臣宦寺之  
屬誓御侍御也外御小臣侍從者巷伯內小臣也涓人  
中人也閹宦官也監閹人也閹尹近臣閹寺之屬膳宰  
掌飲食膳羞者大酋主酒官也禦大臣也壬卿大夫也  
公卿大夫謂之家又謂之主妻亦如之右樞要之官也  
貴臣室老士也室老家相也士邑宰也家臣稱私仕於  
諸侯曰左官門官晨門抱關主守門者舍人家人也稗  
官小官也旅下士也工人士司空之屬臺給臺下徵召

者隸役也養卒也幹府吏之類里尹閭胥里宰之屬綱紀主簿之司也五百猶今之問事也主問非常曰大誰卒蒼頭廬兒官奴給書計者白衣給官府趨走賤人也

禮記內則篇后王命冢宰史記絳侯周勃世家庸知其盜買縣官器左傳成二年王使委於三吏呂氏春秋孟春紀命相布德和令後漢書崔駰傳則不辭執珪而秉柱國逸周書大匡解王乃召冢卿書洪範篇謀及卿士酒誥篇矧惟若疇圻父薄違農父若保宏父祈與圻同詩祈父篇祈父予王之爪牙十月之交篇橘維師氏皇華篇駘駘征夫呂氏春秋季春紀監工日號左傳宣二年宋城華元爲植書顧命篇百尹御事周禮大司馬帥以門名禮記王制篇千里之外設方伯書立政篇宅乃牧後漢書朱浮傳而權歸刺舉之吏史記南越尉佗傳南越王尉佗者詩靜女篇自牧歸荑七月篇田峻至喜亦曰田禮記月令篇命出舍東郊儀禮士喪禮甸人掘坎于階間禮記曾子問篇祫祭於祖則祝迎四廟之主儀禮士喪禮夏祝

鸞餘飯商祝襲祭服後漢書和熹鄧皇后紀成大官  
導官左傳桓十七年天子有日官諸侯有日御儀禮  
既夕禮公史自西方東面左傳襄廿五年史皆曰吉  
著康誥篇矧惟外庶子訓人書允征篇瞽奏鼓詩有  
瞽有瞽禮記喪大記大胥是斂衆胥佐之國語周語  
瞽率音官以省風土左傳成九年泠人也說苑諸  
侯泠立伶與泠通國語魯語今伶簫詠歌及鹿鳴之  
三逸周書太子晉解請使瞶臣往與之言左傳襄四  
年工歌文王之三十四年工誦師諫書舜典篇女作  
土國語周語行理以節逆之管子法法篇臯陶為李  
書立政篇準人管子君臣篇下有五橫以揆百官左  
傳僖三十年行李之往來書允征篇適人以木鐸徇  
于路左傳文十七年鄭子家使執訊而與之書漢書  
張蒼傳秦時為御史主柱下方書書牧誓篇虎賁三  
百人左傳昭二年詩以印為褚師廿五年邱魴假使  
為賈正焉後漢書張衡傳主水衡平元冥書太誓篇  
蒼兕蒼兕漢書劉屈氂傳又發韓濯士以予大鴻臚  
商卿成左傳僖十七年故名男曰圉儀禮既夕禮圉  
人夾牽之禮記檀弓篇圉人浴馬公羊宣十二年傳  
圉役扈養史記魯仲連鄒陽傳與牛驥同皁後漢書



宋均傳令兩騶扶之詩定之方中篇命彼佖人禮記  
月令篇命僕及七騶咸駕左傳成二年司馬司空輿  
師襄四年獸臣司原穆天子傳天子命桑虞禮記月  
令篇命四監大合百姓之秩芻國語晉語主將適螻  
而麓不聞孟子使校人畜諸池禮記月令篇命漁師  
伐蛟孟子孔子嘗爲委吏矣書允征篇嗇夫馳儀禮  
覲禮嗇夫承命書立政篇綴衣贅與綴通後漢書班  
彪傳虎賁贅衣書酒誥篇服休國語吳語奉榮匱以  
隨諸御禮記文王世子篇問內侍之御者詩雨無正  
篇會我誓御儀禮士喪禮外御受沐入後漢書孔融  
傳寃如巷伯國語吳語乃見其涓人疇詩召旻篇閭  
楨靡共史記秦本紀因景監求見孝公後漢書班彪  
傳閭尹閭寺儀禮喪服傳近臣燕禮膳宰具官饌于  
寢東呂氏春秋仲冬紀乃命大酋逸周書世俘解禽  
禦八百有三百兩詩賓之初筵篇有王有林書臯陶  
謨夙夜浚明有家盤庚篇永建乃家微子篇我家髦  
遜于荒左傳桓二年諸侯立家論語邱也聞有國有  
家者夫子之得邦家者周禮大宰六曰主以利得民  
國語晉語主孟昭我後漢書蔡邕傳宜擢文右職儀  
禮喪服篇貴臣貴妾公卿大夫室老士士相見禮夫

子之賤私禮記王藻篇於大夫曰外私漢書諸侯干表武有衡山淮南之謀作爲左官之律僖廿二年門官職焉後漢書張皓王龔傳論故晨門有抱關之夫朱景王杜馬劉傳堅馬傳下多抱關之怨漢書曹參傳告舍人趣治行藝文志小說家者流蓋出於稗官禮記檀弓篇司徒旅歸四布大射儀工人士與梓人升自北階左傳昭七年僕臣臺國語周語運替隸圉晉語其誰非君之羣臣隸也史記秦始皇本紀監門之養後漢書樂巴傳雖幹吏卑末禮記雜記篇則里尹主之文選傅亮爲宋公修張良廟教綱紀後漢書補衡傳令五百將出漢書五行志褒故公車大誰卒鮑宣傳蒼頭廬兒皆用致富兩龔傳聞之白衣

僕御也從者也廝役也艾草析薪者曰廝給水漿者曰役炊烹者曰養保庸之可信任者也去其本鄉曰流庸隸人罪人也奚隸女奴男奴也僮奴婢也羔女使也

左傳文十五年而使馭僕宣十五年申叔時僕哀二年子南僕十一年使其女僕而田孟子問其僕曰國

語晉語魏絳斬其僕公羊宣廿七年傳則是臣僕庶  
孽之事也漢書司馬相如傳廝征伯僑而役羨門兮  
公羊宣十二年傳廝役扈養史記張耳陳餘列傳有  
廝養卒漢書樂布傳爲酒家保司馬相如傳與庸保  
雜作昭帝紀流庸未盡還儀禮既夕記隸人溷廁周  
禮禁暴氏凡奚隸聚而出入者則司牧之史記貨殖  
傳僮手指干漢書衛青傳季與主家僮衛媼通  
師古注僮者婢妾之總稱易說卦傳兌爲羔

外傳教學之師也

禮記內則篇十  
年出就外傳

阿保傳母也姆女師也老嫗爲媼老母爲負

後漢書崔寔傳或因常侍阿保別自通達左傳襄卅  
年待姆也漢書高帝紀母媼案媼亦婦人老少通稱  
史記衛將軍驃騎傳與侯妾衛媼  
通是也史記陳丞相世家張負

介媒介也靈保神巫也偃子逐疫之人也日者掌日之

術也左道若巫蠱也

左傳哀十四年介達之後漢書馬融傳詔靈保召方相和熹鄧皇后紀減逐疫偃子之半方術傳序日者挺專須臾孤虛之術靈帝宋皇后紀共構言皇后挾左道祝詛

家公主人公也主家長伯長子亞仲叔旅子弟彊彊力以閒民嗇農夫也

莊子寓言篇其家公執席詩載芟篇侯主侯伯侯亞侯旅侯彊侯以老子治人事天莫如嗇

善其事曰工行曰商處曰賈旅者行商也合市曰僧駟  
膾人也度市駟會也

詩楚茨篇工祝致告周禮大宰六曰商賈阜通貨財呂氏春秋仲秋紀來商旅史記貨殖傳節駟會集解會亦是僧呂氏春秋尊師篇晉國之大駟也後漢書郭泰傳段干木晉國之大駟李賢注引說文駟會也

謂合兩家之賣買如今之度市也僧會庵並通

能彫琢文書曰史匠

見論衡量知篇

以女適人曰妻亦曰女凡女行於大夫以上皆曰嫁行於士庶人曰適人娶妻及納徵皆曰聘重昏曰媾不由媒氏曰奔賤妾取之曰買女侍曰嫖御人婦人也

詩有女同車序齊侯請妻之書堯典篇女子時左傳桓十一年宋雍子女於莊公曰雍姑孟子涕出而女于吳儀禮喪服子嫁反文選沈約奏彈王源璋之下錢五萬以爲聘禮左傳隱十一年如舊昏媾昭廿五年爲父子兄弟姑姊甥舅昏媾姻亞國語周語有三女奔之禮記曲禮篇買妾不知其姓說文女部引孟軻曰舜爲天子二女嫖嫖孟子作果義同國語晉語敢歸諸下執政以懋御人

無兄弟曰惻無妻曰索無夫曰霜亦曰獨偏喪曰寡

周禮大司寇凡遠近惻獨老幼之有復於上詩桃夭序鄭箋國無鰥民也孔疏丈夫曰索婦人曰嫠又許慎曰楚人謂寡婦爲霜嫠與霜同列子湯問篇鄰人京城氏之孀妻後漢書劉翊傳嫠獨則助營妻娶詩鴻雁篇哀此矜寡左傳襄廿七年生成及彊而寡

小兒有知曰嚔

說文口部引詩曰克岐克嚔

積蓄財曰富買賤賣貴曰販亦曰轉貨占自隱度也少曰委多曰積行道曰糧車運曰轉行道之財用曰齎會禮者之財曰進博者之財亦曰進

論語富而無驕史記呂不韋傳往來販賤賣貴仲尼弟子列傳與時轉貨貴平準書各以其物自占周禮

大司徒令野修道委積遺人掌邦之委積周禮廩人則治其糧與其食史記平準書漕轉山東粟周禮外府共其財用之幣齋漢書高帝紀蕭何爲主吏主進陳遵傳祖父遂宣帝微時相隨奕博數負進

貧乞者爲捐亾人爲丐行而無資謂之乏居而無食謂之困輕用曰耗

漢書食貨志而國亾捐瘠者左傳昭六年不强可服周禮遺人以恤民之難阮鄭注難阮猶困乏也素問上古天真論以耗散其真

在上曰浮在下曰藉邊牀曰倨近邊欲墮曰跼窮高曰亢所快曰靡欲去曰崩

禮記坊記篇君子與其使食浮於人也寧使人浮於食表記篇恥名之浮於行也易大過藉用白茅史記鄭生陸賈傳方倨牀漢書文帝紀或跼於死亾跼義與跼近後漢書馬援傳仰視飛鳶跼跼墮水中易乾

亢龍有悔禮記禮器篇不  
康登論語邦分崩離析

大曰崩小曰阢

國語周語是  
故聚不阢崩

旁擊曰擎亦曰扞亦曰抵側手曰掇捶打殘賊而殺曰  
稅

公羊宣六年傳以斗擎而殺之國語吳語將來溝而  
扞我後漢書寇恂傳爲專權之臣所見批抵公羊莊  
十二年傳萬臂殺仇牧殺  
梁宣十八年傳稅殺也

爭財曰訟訟曲直曰坐獄訟之辨曰占平議曰讞讀書  
用法曰鞠舉罪曰劾正其罪曰結決罪曰當亦曰論無  
罪而殺之曰枉亦曰梟犯法獄死曰畏刻其額而涅之



曰墨墨黥也笞黥刑也黥額爲天割鼻爲劓鑿顛者髡  
完而不髡曰耐斷足曰刖亦曰兀去膝蓋骨曰髡鑽臍  
刑也以鐵束頸曰鉗以鐵著足曰缺鐵鉗左趾以代刖  
曰鈇剕刑也桷桷破陰懸縊殺之曰磬殊死斬刑也縣  
首木上曰梟有罪旣刑陳其尸曰肆亦曰戮掠考捶也  
磔裂之也去衣磔之曰膊脰剔也籍之謂殺其身執其  
家溍其宮也聯繫使相隨而服役之曰胥靡宥之以遠  
曰放過者無本意也

周禮大司徒凡萬民之不服教而有獄訟者左傳昭  
廿三年使與邾大夫坐漢書昭帝紀令民得以律占  
租景帝紀當讞之禮記文王世子篇則織剕亦告于  
甸人告讀作鞠漢書敘傳而劾閭空造不祥嚴延年

傳有此數事以結延年賈誼傳二世見當以重法者  
後漢書魯丕傳坐事下獄司寇論呂氏春秋壅塞篇  
因怒而誅殺之高誘注誅枉也漢書揚雄傳欽弔楚  
之湘纍李奇注不日臯死曰纍通典引王肅禮記注  
犯法獄死謂之畏書呂刑篇墨辟疑赦周禮司刑墨  
罪五百國語魯語其次用鑕竿易睽其人天且劓困  
劓刑書康誥劓刑人呂刑劓辟疑赦周禮掌戮髡者使  
守積列女傳辨通篇鑕顛者髡漢書高帝紀彤以上  
請之應劭注輕罪不至於髡完其髡鬢故曰彤耐與  
彤同左傳莊十六年別強鉏周禮司刑別罪五百莊  
子德充符篇魯有兀者漢書刑法志髡罰之屬五百  
鑕竿見上注漢書高帝紀自髡鉏爲王家奴後漢書  
朱穆傳臣願黥首繫趾李賢注繫趾謂缺其足也史  
記平準書欽左趾漢書敘傳底劓刑臣書呂刑篇爰  
始注爲劓刑桼黥詩召旻篇昏桼靡其斃與桼通說  
文支部引周書別劓斃刺禮記文王世子篇則磬于  
甸人漢書高帝紀其赦天下殊死以下史記秦始皇  
本紀二十人皆梟首禮記月令篇毋肆掠論語吾力  
猶能肆諸市朝國語晉語請殺其生者而戮其死者  
後漢書董卓傳恨不得磔裂姦賊於都市死與磔同

史記李斯傳十公主死死於杜周禮掌戮掌斬殺賊  
謀而搏之鄭注搏當爲搏諸城上之搏莊子胠篋篇  
莢宏施詩破斧篇正義書傳云遂踐奄踐之者籍之  
也漢書楚元王傳二人諫不聽胥靡之應劭注引詩  
淪胥以鋪云胥靡刑名也案說文作緡廉謂拘縛之  
左傳莊六年放公子黔牟於周宣元年經晉放其大  
夫胥甲父於衛周禮調  
人凡過而殺傷人者

軍旅曰誓奉辭伐罪曰征掩其不備曰襲肆犯突也誓  
往而退曰肆勒兵而守曰屯步曰卒車曰乘在車曰士  
甸徒曰白不練之卒亦曰白徒凡軍在前曰啟在後曰  
殿翼左右甄也左翼曰啟右翼曰肱凡陳在陰爲牝在  
陽爲牡魚麗鶴鵠支離荆尸右拒左拒右孟左孟陳也  
五校軍營也一擊一刺曰伐覆伏兵也鶴列陳兵也前

行曰顏行挺身求戰曰挑亦曰致師捷獲也俘而取之  
曰獲生獲曰虜軍所討獲曰實不服者殺而獻其左耳  
曰馘苦擊而多殺曰廕毀其城殺其人如屠六畜然曰  
屠以兵威服之曰下去而走曰北鑿夜戒守鼓也軍門  
曰和軍行三十里爲一舍戰勝而不修賞曰費留

書大禹謨禹乃會羣后誓于師甘誓篇子誓告汝允  
征孔傳穀梁襄廿三年傳齊侯襲莒詩皇矣篇是伐  
是肆左傳文十二年若使輕者肆焉其可史記傳斬  
蒯成傳將屯淮南覽冥訓質壯輕足者爲甲卒左傳  
隱元年具卒乘宣十二年而卒乘輯睦荀子王制篇  
司馬知師旅甲兵乘白之數楊倞注白謂甸徒猶今  
之白丁也漢書鄒陽傳毆白徒之眾管子七法篇以  
教卒練士擊毆眾白徒後漢書岑彭傳彭殿爲後拒  
論語奔而殿文選張協七命縱輕翼於中荒左傳襄廿三  
年啟半成御襄罷師肱商子車御侯朝國語越語凡

陳之道在陰爲牝在陽爲牡左傳桓五年鄭子元請  
爲左拒以當蔡人衛人爲右拒以當陳人高渠彌以  
中軍奉公爲魚麗之陳昭廿一年鄭伯願爲鸛其御  
願爲鸛哀廿五年衛侯爲支離之卒莊四年楚武王  
荆尸授師子焉宣十二年荆尸而舉工尹齊將右拒  
卒以逐下軍使潘黨率游闕四十乘從唐侯以爲左  
拒以從上軍文十年宋公爲右孟鄭伯爲左孟國策  
中山策乃使五校大夫書牧誓篇不愆於四伐五伐  
禮記樂記篇夾振之而駟伐左傳隱九年君爲三覆  
以待之莊子徐無鬼篇君亦必無盛鶴列於麗譙之  
間漢書嚴助傳如使越人蒙死僥倖以逆執事之顏  
行文選司馬遷報任少卿書橫挑疆胡左傳宣十二  
年以致晉師莊卅一年經齊侯來獻戎捷周禮朝士  
凡得獲貨賄人民六畜者禮記曲禮篇獻民虜者操  
右袂漢書樊噲傳捕虜十六人文選左思吳都賦數  
軍實乎桂林之苑詩皇矣篇攸馘安安漢書霍去病  
傳鏖臯蘭下高帝紀今屠沛史記項羽本紀已下東  
陽漢書高帝紀項羽追北周禮鼓人凡軍旅夜鼓鼙  
掌固夜三鼙以號戒鐃師凡軍之夜三鼙皆鼓之守  
鼙亦如之周禮大司馬以旌爲左右和之門呂氏春

秋不廣篇卻舍延尸文選  
左思魏都賦國無費留

卒二十五人爲行亦爲兩百人爲隊車九乘爲小偏十  
五乘爲大偏二十五乘亦爲偏十五乘亦爲廣五十乘  
爲兩百二十乘爲伍二十九乘爲參八十一乘爲專

左傳隱十一年行出大雞宣十二年卒偏之兩成七  
年以兩之一卒適吳襄十年以成一隊成七年舍偏  
兩之一焉桓五年先偏後伍昭元年偏爲前宣十二  
年廣有一卒昭元年兩於前伍於後參爲左角專爲  
右角

遮禽獸圍陳曰陸

漢書揚雄傳  
以罔爲周陸

止馬曰控發矢曰縱從禽曰送

詩大叔于田篇抑  
磬控忌抑縱送忌

物飛迎前射之曰接從旁曰獵

文選曹植樂府白馬篇仰手接飛  
鳶儀禮大射儀毋獵獲鄉射禮同

取鳥以石傳弋繳曰落取獸曰佃取禽左耳以効功曰  
珥一發死曰殪

史記楚世家落新繳礮與落通國策楚策被礮礮易  
繫辭傳以佃以漁周禮山虞致禽而珥焉漢書司馬  
和如傳弦矢  
分藝殪仆

關引弓也引張弓也引弓盡箭鏑曰滿引滿曰彊亦曰  
貫急張曰彊

左傳昭廿一年豹則關矣淮南說林訓引弓而射漢  
書司馬相如傳滿白羽吾叩壽王傳十賊彊弩百吏

不敢前史記伍子胥列傳貫弓執弧  
嚮使者漢書揚雄傳殲天狼之威矢

弩以手張曰擘張以足張曰蹶張

漢書申屠嘉傳以材官  
蹶張從高帝擊項籍

矢激曰汰發四矢曰發

左傳昭廿六年由鞠汰輶  
後漢書南匈奴傳矢四發

上車曰乘單乘曰騎四人共車曰駟乘以車曰傳以馬  
曰遽輓牛在前曰牽在旁曰傍整船向岸曰檣持舟楫  
者謂遠岸爲張近岸爲歛順流曰浮出溺曰拯

左傳桓十八年使公子彭生乘公史記項羽本紀乃  
上馬騎左傳文十一年富父終甥駟乘禮記玉藻篇  
士曰傳遽之臣詩江漢篇告成于王鄭箋則使傳遽  
告功於王周禮牛人共其兵車之牛與其牽傍漢書



補傳機船符淮南說言訓一謂張之一謂歎之書

篇浮于濟漂左傳宣廿年目于智井而拯之承

駮也銜走也馬銜脫曰駮繫馬曰維繫牛曰婁馬重

而驚

定八年傳臨南駮馬後漢書崔寔傳馬駮其銜昭廿五年傳且夫牛馬維婁史記晉世家惠公

秋法也

春秋傳志篇夜秋駕於其師

凡以產載負物者皆曰佗以韋束曰鞮

漢食說文革部引易曰鞮用黃牛之革

不變曰粹不雜曰醇雜色曰斑雜采曰綷采成文曰紉  
合五采鮮色曰黼凡畫者爲繪

易文言傳純粹精也漢書陳湯傳今郵支單于嚮化  
未醇禮記王制篇斑白者不提挈文選潘岳射雉賦  
丹瞻蘭綷綷書益稷篇作會鄭注會讀爲繪  
曰衣裳黼黼書益稷篇作會鄭注會讀爲繪

大事曰盟小事曰詛詛謂祝之使沮敗也標撈其里門  
曰表申戒曰宿

周禮詛祝掌盟詛又見春官序官史記留侯世家表  
商容之閭周禮大宗伯宿視滌濯儀禮公食大夫禮  
記不宿戒鄉  
飲酒禮記同

甲者令篇之次也

漢書韓彭英盧吳傳贊  
著於甲令而稱忠也

所期處曰質

漢書田廣明傳  
既出不至質

所徵賦曰興除其賦稅曰復

周禮司稼而平其興旅師平頒其興積  
後漢書光武紀詔復濟陽二年徭役

舉錢曰稱取一償二曰倍稱稱責貸子也

漢書食貨志凶者取倍稱之  
息周禮小宰聽稱責以使別

假貸人財物未償曰債

漢書淮陽憲王欽傳  
博言負責數百萬

神遇曰夢不脫冠衣而寐曰假寐卧而不周曰輟

列子周穆王篇神遇爲夢詩小弁  
篇假寐永歎關雎篇輟轉反側

治故曰修曲者更直曰矯使曲者直直者曲曰揉以物  
觸物曰棖所樹立物爲菑以物插地曰傳以蓋案塞其  
口曰灸不堅綴曰監麤惡曰楷器中空曰罄以杓歷器  
使有聲曰櫟凡戲爭能取勝皆曰射亦曰投

論語修廢官易說卦傳爲矯揉文選謝惠連祭古冢  
文以物棖撥之周禮考工記察其菑蚤不蠲史記陳  
餘列傳不敢傳刃於公之腹中者畏秦法耳儀禮士  
喪禮冪用疏布久之既夕禮皆木析久之鄭注並云  
久讀爲灸詩四牡篇王事靡盬羽篇同荀子天論  
篇楷耕傷稼說文在部引詩云鉶之罄矣穴部又引  
作室義同史記楚元王世家嫂詳爲  
羹盡櫟釜列子說符篇樓上博者射

凡器用尊者謂之御卑者謂之服

荀子大略篇  
大夫服笏

縫紵之別名曰紉刮節目曰皖穿木曰竿以木通其中  
曰總硎磨也挺擊也挺杼也

史記趙世家卻冠林紉文選馬融長笛賦總硎墮墜  
華脫切錯大挺彫琢刻鏤鑽竿李善注引淮南詩注

漚水漸也楚人曰漚齊人曰淩無垢加功曰漱去垢曰  
浣手曰漱足曰澣灌水於釜中曰泊湯熱曰觀溫水曰  
湄潘水曰渙

周禮考工記帛氏凍絲以浼水漚其絲鄭注故書浼  
作湄鄭司農云湄水溫水也公羊莊卅一年傳何譏  
爾臨民之所漱浼也禮記內則篇冠帶垢和灰請漱  
衣裳垢和灰請澣史記封禪書水而泊之周禮夏官  
序官司燿鄭注燕俗名湯熱爲  
觀儀禮士喪禮渙濯棄于坎

水濡而乾曰灑水漿不寒而溫曰渙忍

說文水部引詩曰灇其乾矣漢書揚雄傳紛纍以其渙忍兮

膏敗曰臄羹敗曰爽

周禮考工記弓人凡昵之類不能方鄭司農云故書昵或作機後鄭注機脂膏臄敗之臄楚辭招魂篇厲而不爽些

居處所在曰區山居曰棲時耕曰宣南北耕曰由

漢書食貨志坐肆列里區謁舍山海經大荒西經江南之山棲爲吉詩縣篇述宣迺畝南山篇橫從其畝陸德明釋文引韓詩從作由

天子有疾稱不豫諸侯稱負茲大夫稱犬馬士稱負薪疾甚曰病短仰者曰尪足腫曰重腿寒熱所爲曰瘡

公羊桓十六年傳屬負茲舍不卽罪儀禮既夕記疾病外內皆埽呂氏春秋明理篇盲禿偃尪左傳成六

年於是有沈溺重腿之疾  
禮記月令篇民多癘疾

凡應死而生曰幸應生而死曰不幸不以壽終曰鮮未  
冠曰短未六十曰短兄喪弟曰短父喪子曰折中身早  
折曰悼未三十曰夭亦曰折未婚曰折未名曰昏未訖  
曰凶死日爲忌名爲諱崩薨曰赴始死招魂曰復下棺  
於槨曰斂欂木如槨塗之曰殯合葬曰祔穿中曰壙聚  
土爲樹餓死者曰莩道瘞謂之殣囚徒飢寒而死曰瘐  
弔凶曰弔弔死曰弔弔生曰唁亦曰傷賻之言補也助  
也玩好曰贈以人從葬曰殉日月已過乃聞喪而服曰  
稅凡人喪曰疚

論語不幸短命死矣左傳昭五年葬鮮者自西門列  
子湯問篇其長子生則鮮而食之書洪範篇一曰凶  
短折逸周書謚法解慈仁短折曰懷漢書五行志兄  
喪弟曰短父喪子曰折蔡邕獨斷中身早折曰悼東  
晉補亡詩人無道天左傳昭十九年札瘥天昏洪範  
五行傳厥極凶短折周禮小史則詔王之忌諱左傳  
序赴告策書周禮夏采以冕服復于大祖儀禮士喪  
禮復者一人禮記雜記篇則其復如於其國復諸侯  
以襲衣冕服爵弁服喪大記篇復有林麓檀弓篇斂  
班請以機封穀梁僖九年傳今背殯而出會檀弓篇  
周公蓋祔衛人之祔也離之魯人之祔也合之周禮  
喪祝及壙說載除飾易繫辭傳不封不樹孟子塗有  
餓莩文選班彪王命論夫餓殯流隸漢書宣帝紀今  
繫者或以掠辜若飢寒殯死獄中史記宋微子世家  
魯使臧文仲往弔水左傳襄十七年齊侯使夙沙衛  
唁之公羊昭廿五年傳齊侯唁公于野井何休注弔  
喪主曰傷儀禮既夕記若賻入告凡贈幣無常左傳  
文六年以子車氏之三子奄息仲行鍼虎爲殉禮記  
檀弓篇小功不稅文選潘岳  
寡婦賦自仲秋而在疚兮



卒暴曰戕支解節斷之曰戕

左傳宣十八年自外曰戕  
公羊傳戕鄒子于鄒者何

吉凶之先見曰祥凶氣爲氛災氣爲沴陰陽氣相侵漸  
成祥謂之祲異物見謂之瑞妖祥曰眚衣服歌謠草木  
之怪爲妖禽獸蟲蝗之怪爲孽癘疾疫也大札疫癘也  
赤疫疫鬼惡者也小疫曰瘥天死曰札

易繫辭傳吉事有詳詳與祥通後漢書竇武傳時人  
知爲竇氏之祥國語楚語臺不過望氛祥漢書谷永  
傳六沴作見周禮春官序官眡祲荀子王制篇占祲  
兆論衡指瑞篇異物見謂之瑞易訟无眚復有災眚  
禮記中庸篇必有妖孽左傳哀元年天有菑癘痢與  
癘通公羊莊廿六年傳大瘡者何痢也周禮膳夫大  
札則不舉大司徒大司樂並同文選張衡東京  
賦逐赤疫於四裔左傳昭十九年札瘥天昏

久暘爲旱久潦爲沍水旱不節爲隔并

久暘見論衡明雩篇淮南主術訓有沍旱災害之患後漢書陳忠傳隔并屢臻

猛火曰烈火熾猛曰煬飛火曰燹火滅曰燬火與水合

爲淬炙令腴曰燎

漢書鼂錯傳天下明知禍烈及已也文選張衡東京賦颺燹燎之炎煬漢書敘傳勝廣燹起左傳襄廿六年王夷師燬漢書天文志火與水合爲淬漢書王莽傳疑以火自燎

南北曰橢微圓曰回不圓曰羨不正欹邪曰踞橫大不

入曰擗物橫畫曰距隨

史記天官書廷藩西有橢星五周禮典同同聲衍典瑞璧羨以起度考工記旗人髻墾薜暴不入市鄭注髻讀爲踞左傳昭二十一年大者不擗儀禮鄉射禮記距隨長武

兩頭寬中狹曰瓜亦曰縵一頭寬一頭狹曰邪

周禮形方氏注正之使不瓜邪離絕儀禮士喪禮縵中

中央廣兩頭銳曰頰

爾雅釋魚蛇博而頰

中裂之曰華

禮記曲禮篇爲國君者華之

啗食也食無菜茹曰淡用舌食曰狝食已而復吐之曰

涪

漢書王吉傳吉婦取棗以啗吉叔孫通傳呂后與陛下攻苦食啖師古注啖當作淡荆吳燕傳語有之曰狝糠及米師古注狝古𤛵字說文水部引爾雅太歲在申曰涪

手把土曰培盛土於桺中曰抹伐木析之曰薪角而束之曰掎

漢書郊祀志掎視得鼎說文手部引詩抹之嘽嘽詩棫樸篇毛傳萬民得而薪之七月篇猗彼女桑

拾雅卷第十七

高郵夏味堂

拾遺釋七

釋親

父曰昭子曰穆

周禮小宗伯辨廟祫之昭穆公羊文二年傳陳於太祖何休注昭南面鄉明穆北面尙敬

先古先祖也

禮記祭義篇以祀天地社稷山川先古

同祖曰宗

左傳昭三年胙之宗十一族

公禰行主也

禮記文王世子篇在軍則守於公禰儀禮覲禮釋幣于禰鄭注禰行主遷主矣而云禰親之也

民母嫡母也假母繼母也

漢書衛青傳民母之子皆奴畜之衡山王賜傳人有賊傷后假母者

世嗣子也宗子正室門子樹子嫡子也公子君之庶子也亦謂先君之子今君昆弟也孽支子也庶也賤也姓子也伯仲叔季長幼之稱也言子者通男女諸侯之孫稱公孫古者謂子孫曰帑

書大禹謨賞延于世詩板篇宗子維城周禮小宗伯其正室皆謂之門子禮記文王世子篇正室守大廟穀梁僖九年傳無易樹子儀禮喪服記公子爲其母禮記大傳篇公子是也書大傳孽伐其宗漢書韓王

信傳故韓襄王孽孫也後漢書王符傳安定俗鄙庶孽  
傳昭四年所宿吏宗之婦人獻以雉問其姓儀禮士冠禮曰伯某甫仲叔季唯其所當禮記曲禮篇子於父母論衡咸類篇諸侯之子稱公子孫稱公孫禮記中庸篇樂爾妻帑

### 同產子兄弟子也

漢書兩龔傳同產子一人

### 三族父子孫也或曰父族母族妻族

周禮小宗伯掌三族之別儀禮士昏禮惟是三族之不虞禮記仲尼燕居篇故三族和也後漢書楊終傳延及三族

### 九族上自高祖下至元孫也或曰父族四母族三妻族

二

書堯典篇九族既睦孔穎達正義引尚書歐陽說九族乃異姓有親屬者父族四五屬之內為一族父女昆弟適人者為一族己女昆弟適人者與其子為一族己之子適人者與其子為一族母族三母之父姓為一族母之母姓為一族妻族二妻之父姓為一族妻之母姓為一族

別而稱之曰氏合而言之曰族

左傳隱八年昨之士而命之氏

同姓同祖也

詩杖杜篇不如我同姓

子姓眾子孫也

禮記喪大記卿大夫父兄子姓立於東方儀禮特牲饋食禮子姓兄弟如主人之服鄭注言子姓者子之所生



宗室大宗之家

儀禮士昏禮則教于宗室

宗婦族人之婦

儀禮特牲饋食禮記宗婦北堂

外宗姑姊妹之女

禮記喪大記篇外命婦率外宗哭于堂上北面

室人女姑女叔諸婦也

禮記昏義篇和於室人

姑子曰外兄

後漢書來歙傳君叔雖單車遠使而陛下之外兄也

尊章舅姑也

漢書廣川惠王越傳背尊章嫜以忽

室御妻也寡妻適妻也嫡正夫人也元妃嫡夫人也某妃某妻也嫡娶也

儀禮士昏禮記貺室某也禮記曲禮篇三十曰壯有室內則篇三十而有室左傳昭十九年建可室矣國語晉語公父文伯之母欲室文伯呂氏春秋上農篇農不出御詩思齊篇刑于寡妻江有汜序嫡能悔過後漢書皇后紀晉獻升戎女爲元妃儀禮少牢饋食禮以某妃配某氏後漢書順烈梁皇后紀諱嫡女謂之娶女從者謂姪娣也

太元內初一謹于娶執儀禮士昏禮女從者舁衿元

不聘曰妾小妻也貴妾姪娣也眾妾爲姪娣好美好也

下袂妾御也嬖御愛妾也

左傳僖十七年女曰妾後漢書趙孝王良傳私婢小妻儀禮喪服貴妾漢書文帝紀母曰薄姬史記外戚世家尹婕妤楚辭九歎愍命篇逐下袂於後堂兮禮記緇衣篇毋以嬖御人疾莊后

婢子妾也婢之言卑也亦所通賤者之稱妾給使者也

旁通曰外婦

禮記檀弓篇使吾二婢子夾我曲禮篇自世婦以下自稱曰婢子內則篇父母有婢子國語晉語納女二妾三十人漢書高五王傳齊悼惠王肥其母高祖微時外婦也

同母異父之子曰外弟其女曰外妹

左傳成十一年聲伯以其外弟爲大夫而嫁其外妹於施孝叔

壻之妹曰女妹妻之女弟曰娣

後漢書曹世叔妻傳昭女妹曹豐生亦有才惠詩韓奕篇諸娣從之

家氏婦氏也

呂氏春秋不屈篇此非不便之家氏也

釋宮

唐堂也背北堂也

後漢書延篤傳少從潁川唐谿典受左氏傳李賢注唐與堂同淮南脩務訓唐牙莫之鼓也詩伯兮篇言樹之背

室無四壁曰皇

漢書胡建傳列坐堂皇上

夏大屋也屋之大者爲殿

楚辭九章哀郢篇曾不知夏之爲耶兮招魂篇冬有矣夏後漢書蔡茂傳夢坐大殿

中央曰中雷枼中央也屋雷謂之溜雷下之池謂之匳

公羊哀六年傳而至于中雷漢書揚雄傳日月繞經於枼枼枼與枼同文選左思魏都賦暉鑒枼枼左傳宣二年三進及溜周禮宮人爲其井匳

枅棧堂上最高處也

後漢書班彪傳上枅棧而棲金爵文選作觚棧與枅棧通

麗屋櫨也板屋宇櫨也桁梁上所施也柱石承棟梁也

莊子人間世篇求高名之麗者斬之挾振見上注文選何晏景福殿賦桁梧複疊後漢書伏湛傳柱石之

輔弼

小柱爲枝邪柱爲梧橫木關柱爲連標栳柱類

史記項羽本紀莫敢枝梧楚辭招魂篇刻方連些淮南本經訓標栳以相支持

四植謂之桓雙植亦謂之桓

禮記檀弓篇三家視桓楹

周禮大宗伯公執桓圭

宮廟四注曰阿翼屋之四阿也榮屋翼也四阿長桁曰陽馬四阿栱曰櫨栒閣有四阿謂之阿閣屋之四下者曰厦屋曲簷亦曰阿

周禮考工記匠人四阿重屋逸周書作雒解咸有四阿後漢書班彪傳列琴瑟以布翼儀禮士冠禮直于東榮鄉飲酒禮東西當東榮鄉射禮同禮記喪大記皆升自東榮文選司馬相如上林賦暴於南榮何晏景福殿賦承以陽馬飛栒鳥踊古詩阿閣三重階文選張衡西京賦大厦耽耽莊子外物篇披髮闕門阿

承屋曰移

逸周書作雒  
解設移旅楹

疏窻也軒廊窻也方軒併窻也寮小窻也櫺窻間孔也

櫺疏檻也

史記禮書疏房牀第文選左思魏都賦周軒中天何晏景福殿賦方軒九戶張衡西京賦交綺豁以疏寮江淹雜體許眞君詩曲櫺激鮮廳漢書外戚傳房櫺虛兮風泠泠

瑣門鏤也網戶綺文鏤也橫門窗之廡也捷拒門也或謂之剡移局關也倉琅根門鋪首及銅鰲也

楚辭離騷篇欲少留此靈瑣兮招魂篇網戶朱綴文選左思魏都賦房櫺對橫老子善閉無關捷而不可開捷與捷同文選王巾頭陀寺碑文於是元關幽捷又與鍵通顏氏家訓書證篇引蔡邕月令章句鍵關

推雅

卷十七

六

杜也所以止扉或謂之剡移屨屨與剡移同百里奚妻琴歌烹伏雖炊屨屨禮記曲禮入戶奉局漢書五行志木門倉琅根

達夾室也

禮記內則篇左達五右達五

巖廊殿下小屋也廡堂下周屋也

漢書董仲舒傳游於巖廊之上後漢書順帝紀莽陵百丈廡灾

連閣傍小室曰踟躕

文選何晏魯靈光殿賦西廂踟躕以閒晏

飛閣閣上門也諺門冰室門也

後漢書班彪傳排飛閣而上出文選張衡西京賦諺門曲榭



衡門橫木爲門也衡館衡門之館也華門柴門也圭竈門旁竈也

詩衡門篇衡門之下文選王儉褚淵碑文志隆衡館禮記儒行篇華門圭竈寶與竈通左傳襄十年華門圭寶之人

衡檻楯闌也軒楯下板也

史記袁盎鼂錯傳百金之子不騎衡楚辭九歌東君篇照吾檻兮扶桑文選何晏景福殿賦楯類騰蛇元軒交登

縣聯辟帶也壁帶壁中橫木也亦謂之釭雞棲井榦復屋樊井也

淮南本經訓縣聯房植雞棲井榦後漢書琅邪孝王京傳殿館壁帶皆飾以金銀外戚傳壁帶往往爲黃

金缸

柜受居溜水凍橐者也榴械楔也

周禮掌舍設桂柜再重鄭注故書柜爲柜文選何晏景福殿賦榴似瓊英

步櫺長廊也

文選左思魏都賦方步櫺而有餘

側邊曰廉

儀禮鄉飲酒禮設席于堂廉東上

坻殿基也丹梯丹墀也堂道謂之坳

文選何晏景福殿賦肅坻鄂之鏘鏘謝靈運擬鄴中集阮瑀詩躡步陵丹梯莊子逍遙遊篇覆杯水於坳堂之上

門塾謂之基畿門內也

詩絲衣篇自堂徂基  
谷風篇薄送我畿

甬道複陸複道也閑桂桓也桂桓行馬也

後漢書班彪傳步甬道以榮紆文選張衡西京賦複  
陸重閣周禮虎賁氏舍則守王閑掌舍設桂桓再重

掖庭後宮也永巷宮中署名也

文選張衡西京賦歷歷掖庭後漢  
書明德馬皇后紀永巷宮人二百

天子所居曰禁中禁苑也

文選左思魏都賦禁臺省中李善注魏武集荀欣等  
曰王所居曰禁中諸公所居曰省中後漢書章帝紀  
詔以上林池籞  
田賦與貧人

榮觀宮闔也

老子雖有榮  
觀燕處超然

### 游離宮也

周禮閭人囿游亦如之  
囿人掌囿游之獸禁

### 橫學也澤射宮也

後漢書朱浮傳造立橫舍黌與橫同儒林傳乃更脩  
黌宇周禮司弓矢澤共射樞質之弓矢禮記射義篇  
必先習  
射於澤

### 百官所居曰府藏貨財曰府藏書之處曰府

周禮大宰以八灋治官府論語魯人  
爲長府漢書郊祀志史書而藏之府

### 第宅也有甲乙之次故曰第

後漢書東平憲王  
蒼傳觀覽城第

近臣所止曰畫室諸公所居曰省中吏所治舍曰次藏

官物曰官解醫巫所居曰署

漢書霍光傳明旦光聞之止畫室中不入省中見前注周禮司市以次敘分地而經市文選左思吳都賦

解署  
基布

御廩曰神倉穀藏曰倉米藏曰廩方曰倉亦曰鹿圓曰

囷大囷曰京在邑曰倉在野曰庾穴地藏穀方曰窖隋

曰竇窳亦窖也芻橐藏曰膾

國語周語廩于籍東南韋昭注廩御廩也荀子國富篇垣窳倉廩者財之末也國策秦策囷倉虛國語吳語而囷鹿空虛管子輕重丁篇有新成囷京者二家史記孝文本紀發倉庾詩楚茨篇我庾維億甫田篇曾孫之庾傳箋並云露積穀露積亦在野矣莊子齊物論篇窖者禮記月令篇穿竇窖荀子榮辱篇有囷

苑史記趙世家邯鄲廬燒後漢書蘇章傳時右校多廬在寺北垣下

壑谷窟室也

左傳襄卅年  
吾公在壑谷

逆旅路室謁舍客舍也蓬廬傳舍客館也

左傳僖二年保於逆旅楚辭七諫怨世篇路室女之方桑兮漢書食貨志及它方技商販賈人坐肆列里區謁舍莊子天運篇仁義先王之蓬廬也後漢書光武紀乃自稱邯鄲使者入傳舍

邸舍也茭草舍也葺屋草屋也蓬廬簾條覆也坊別屋也植疆界頭造屋以待諫者也唐亭也停留行旅住宿之館曰亭亦謂之障牟首閣道有室者也

後漢書安帝紀帝自在邸第楚辭九章涉江篇邸余車兮方林詩甘棠篇召伯所茭左傳定九年引詩同

周禮考工記匠人葺屋三分淮南本經訓民之專室  
蓬廬文選何晏景福殿賦屯坊列署莊子田子方篇  
則列土壤植散羣是求馬於唐肆也漢書高帝紀爲  
泗上亭長文選瀾衡鸚鵡賦踰嶺越障左思魏都賦  
長塗  
半首

在田曰廬直宿曰廬

公羊宣十五年傳什一行而頌聲作矣何休注在  
田曰廬在邑曰里漢書嚴助傳君厭承明之廬

精廬講讀之舍也

後漢書儒林傳  
論精廬暫建

肆市廛也市中空地曰廛列肆也

文選左思吳都賦樓船舉帆而過肆周禮  
地官序官廛人漢書劉向傳不改其列

廐馬舍也夷庚藏車之所也

論語廢焚文選陸機辯  
亡論旋皇輿於夷庚

滌養牲宮也其所亦曰牢與豕牢也養豕圉亦曰廁

公羊宣三年傳帝牲在于滌三月儀禮少牢饋食禮  
少牢饋食之禮莊子徐無鬼篇吾未嘗爲牧而牝生  
于奧漢書燕刺王  
旦傳廁中豕羣出

饗鼈也

儀禮特牲饋食禮主婦視饗饗于西堂下少牢饋  
食禮雍人振鼎七俎于雍藥士虞禮魚腊饗亞之

鑪酒肆也漏浴室也

史記司馬相如傳而令文君  
當鑪禮記內則篇不共漏浴

里宰治處曰鋤中里爲校室父老教子弟之室也

周禮里宰以歲時合耦于鋤校室見公羊  
宣十五年什一行而頌聲作矣何休注



狴嚴棘北寺獄也蠶室宮刑獄也朝廷曰獄鄉亭之繫

曰犴

家語始誅篇夫子同狴執之後漢書寇恂傳寘於嚴棘之下千乘貞王伉傳遂收羣送北寺獄光武帝紀皆一切募下蠶室詩小宛篇宜岸宜獄陸德明釋文岸韓詩作犴犴與犴同漢書刑法志獄犴不平之所致也

匭路廁也脬行清也

周禮宮人爲其井匭偃與匭通莊子庚桑楚篇觀室者周於寢廁又適其偃焉漢書石奮傳取親中褻廁脬史記萬石傳脬作寄

墉屏城也少城小城也闔曲城也闔曲城中市里也管

居曰塢一曰庫城也

易解公用射隼于高墉之上詩皇矣篇以伐崇墉良  
耜篇其崇如墉左傳襄九年祝宗用馬于四墉康與  
墉同詩崧高篇以作爾庸左傳襄廿九年而夏肄是  
屏文選左思蜀都賦亞以少城詩出其東門篇出其  
閭閻後漢書獻帝紀  
李催移帝幸北塢

### 攻城築土山以窺望城內謂之距堙

左傳襄六年晏弱城東陽而遂圍萊甲寅堙之環城  
傳于堞杜預注堙土山也公羊宣十五年傳楚子圍  
宋使司馬子反乘堙而闚宋城宋華元亦  
乘堙而出見之何休注堙距堙攻城具也

闔市門也闔中隔門也閭閭里門也閭閭中門也突門

### 守城之門闔竟上門也

文選張衡西京賦通闔帶闔周禮秋官序官修閭氏  
文選左思蜀都賦里閭對出荀子儒效篇雖隱於第  
閭漏屋後漢書竇融傳今守突  
門禮記王制篇闔執禁以讓

塹內垣外游地也

漢書鼂錯傳內史府居太上廟塹中

胥餘里落之壁也軍壁曰壘爲藩落周繞之曰虎落柵編豎木也葦籬曰芭黎編木爲闌以遮禽獸曰校邊境作土室候望曰甌脫

書大傳不愛人者及其胥餘周禮量人營軍之壘舍禮記曲禮篇四郊多壘漢書揚雄傳爾乃虎路三變以爲司馬晉灼注路音落服虔注以竹虎落此山也鼂錯傳爲中周虎落晉書宣帝紀達於城外爲木柵以自固史記張儀傳苴蜀相攻擊集解引徐廣注苴讀爲芭黎之芭漢書成帝紀大校獵漢書匈奴傳各居其邊爲甌脫

闕苦也垜竈塊壘塹曰培坏壁也隙壁孔也

周禮圉師茨牆則翦闔儀禮士喪禮為塋于西牆下  
國語晉語若見壘培漢書揚雄傳或鑿坏以通荀子  
禮論篇若  
翦之遺隙

倚木為廬諒闔柱楣凶廬也倚廬曰次門外更衣處亦

曰次服舍喪次也

儀禮既夕記居倚廬禮記喪服四制篇高宗諒闇鄭  
注諒古作梁論語作諒陰皇侃疏或呼梁庵諒闇梁  
陰梁闇梁庵並同春秋繁露竹林篇引書又作亮陰  
潘岳閒居賦序今天子諒闇之際李善注諒陰今凶  
廬裏寒涼幽闇之處是諒亦與亮涼通矣儀禮喪服  
篇既虞翦屏柱楣儀禮既夕乃就次禮記雜記篇既  
冠于次周禮掌訝次于舍門外掌次張尸次儀禮士  
冠禮賓就次聘禮賓入于次漢書荆吳燕傳私姦服  
舍

門戶道橋謂之啟城郭墻塹謂之塞

左傳僖廿年  
凡啟塞從時

修南北之深也

周禮考工記匠  
人堂修二七

繕故曰新增益曰作始造曰築築牆立版曰栽宮廟初  
成祭之曰考亦曰落

詩閟宮篇新廟奕奕鄭箋新舊曰新公羊莊廿九年  
傳新延殿者何禮記中庸篇故栽者培之左傳隱五  
年經考仲子之宮禮記雜記篇路寢成則  
考之而不釁左傳昭七年願與諸侯落之

故居曰墟毀滅無後之地曰墟隱側之處曰廁

墟與墟通漢書王莽傳名曰凶虛禮記檀  
弓篇虛墓之間史記張耳傳要之置廁

井以輒爲甃曰甃甃井壁也收井榦也榦井上四交木

欄也

漢書陳遵傳一旦東礙爲寰所輻易井井斃无咎井收勿幕莊子秋水篇跳梁于井幹之上幹與餘同漢書郊祀志立神明臺井幹樓枚乘傳單極之統斷幹

釋器上

房大俎也俎距脰中當橫節也直有脚曰梲加脚中央距曰巖

國語周語王公立飫則有房烝儀禮少牢饋食禮長皆及俎距禮記明堂位篇俎用梲巖夏后氏以巖

校豆中央直者也直柄也鐙足下跗也

禮記祭統篇夫人薦豆執校明堂位篇薦用玉豆雕簋鄭注彫刻飾其直者也祭統又云執醴授之執鐙

方曰簋稻梁器也圓曰簠黍稷器也會蓋也簠竹筥簠

屬

周禮舍人凡祭祀其簠簋掌客則簠十有二簋十詩伐木篇陳饋入簋按簠簋方圓有內外之別儀禮聘禮勞以二竹簠方陸德明釋文外圓內方曰簠內圓外方曰簋淮南泰族訓陳簠簋高誘注竝同是方圓以內爲定矣詩權輿篇每食四簋陸德明釋文乃云外方內圓曰簠外圓內方曰簋當是字誤又按說文竹部簠圓器簋方器漢書賈誼傳簠簋不飾顏師古注方曰簠圓曰簋皆不詳內外之制而說又方圓更與諸說異則師說不同耳儀禮公食大夫禮宰夫東面坐啟簋會禮記喪大記篇食於簋者盥明堂位篇薦用玉豆雕簋

方曰筐圓曰筥亦曰簠館筐屬

詩采蘋篇維筐及筥左傳隱三年筐筥錡釜之器禮記月令篇治曲植籩筐楚辭九歎愍命篇與籩簋於筐簠同禮司巫及祖館

敦牟黍稷器也敦無足曰廢敦土釜爲牟

禮記內則篇敦牟卮匱儀禮士喪禮新盆槃瓶廢敦重鬲皆濯

堤瓶甌下安也

淮南詮言訓瓶甌有堤

簞筥萑葦器也圓曰簞方曰筥

儀禮大射儀奉決拾以筥禮記曲禮篇凡以弓劍苞苴簞筥問人者公羊昭廿五年傳高子執事食

竹器而衣者曰筭如今筭筭簠

儀禮士昏禮婦執筭

耒耜上句木也耜耒之金也入土曰耜小於耒耜曰耜  
芟鎌謂之刈大鎌謂之剗亦謂之芟犁刀謂之鋤鋤謂



之鑄

易繫辭篇揉木爲耒禮記月令篇修耒耜國語周語民無懸耜管子小匡篇比耒耜穀茂國語齊語挾其槍刈鋤耨史記淮南衡山列傳鐵鑿棘矜也集解引徐廣大鑿謂之劉國語齊語耒耜柳芟爾雅釋樂大磬謂之磬郭璞注磬形似犁鋤後漢書杜篤傳田田相如鑄鑿株林李賢注謂以鑄鑿去林木之株葉也綸綸釣織也輪釣輪也羽釣浮也又取魚叉也獲柞鄂也辟罔也張璠學曰弧檻櫓也亦曰罔

詩采芣篇言綸之繩太元述次八維綸其繩文選西征賦徒觀其鼓枻迴輪挺叉來往呂氏春秋離俗篇羽有動靜書費誓篇杜乃獲周禮雍氏春令爲阱獲溝瀆之利于民者秋令塞阱杜獲莊子逍遙遊篇中於機辟周禮冥氏掌設弧張漢書谷永傳中尙書宦官檻塞大異

題曰植旁曰榦植築城榦也

書費誓篇時乃楨榦  
周禮大司馬屬其植

緹膝約繩也單爲紉合爲索兩股爲纒亦爲紉三股爲  
徽亦爲纒乘謂之縮綱謂之維竹箴紉謂之焚

詩小戎篇竹閉緹膝閼宮篇朱英綠膝儀禮既夕記  
約綏約書左傳哀十一年人尋約楚辭惜誓篇并紉  
茅絲以爲索易坎係用徽纒文選賈誼鵬鳥賦夫禍  
之與福兮何異糾纒馬融長笛賦或乃植持緹纒詩  
縣篇縮版以載楚辭天問篇幹維焉  
繫史記河渠書事長菱兮沈美玉

腹方口圓曰壺壺大一石甔五斗

公羊昭廿五年傳國子執壺漿  
禮記禮器篇門內壺君尊瓦甔

觥五升黍三升

詩卷耳篇我姑酌彼兕觥呂氏  
春秋權勞篇操黍酒而進之

甒大樽也亦曰瓦大脩屨概散漆尊也

禮記禮運篇范金合土鄭注合土令發及甒大也儀禮聘禮瓦大一燕禮公尊瓦大兩周禮鬯人廟用脩凡山川四方用屨凡裸事用概凡臨事用散

瓚勺也圭瓚璋瓚裸器也

左傳昭十七年若我用瓚卬王瓚周禮考工記玉人有瓚以祀廟禮記祭統篇君執圭瓚裸尸大宗執璋裸亞

同爵也爵無足曰廢爵觥白罰爵也卮圓酒器也

書顧命篇上宗奉同琖儀禮士虞禮主人洗廢爵詩卷耳篇我姑酌彼兕觥桑扈篇兕觥其觥與觥同周禮小胥觥其不敬者文選左思吳都賦飛觴舉白莊子寓言篇卮言日出漢書高帝紀奉玉卮爲太上皇壽應劭注甒古卮字則卮甒通矣

勺尊升也所以斟酒酌酒斗也斗所以斟

周禮考工記梓人勺一升儀禮士冠禮賓勺楚辭招魂篇華酌既陳大戴禮保傅篇太宰持斗而御戶右盧少弓太史曰斗卽斗字舊本作升誤

舟尊下臺禁承尊屐甒者桮斯禁也所以承解可奠射爵者曰豐

周禮司尊彝皆有舟儀禮士冠禮有禁士昏禮有禁少牢饋食禮同桮禮記玉藻篇大夫側尊用桮儀禮公食大夫禮加于豐大射儀賓之弓矢與中等豐

銅羹器也

周禮掌客銅四十有二儀禮聘禮六銅繼之

杆盛揚漿者槃匱盥器也流匱口也

儀禮既夕禮兩杆槃匱匱實杆槃中南流土虞禮匱水錯于槃中南流

### 枯捲栝素也卮匱之屬

孟子猶栝捲也杯圈與栝捲同禮記玉藻篇毋沒而杯圈不能飲焉單言之則曰圈莊子齊物論篇似圈端禮衣也褻衣天子裘錫之衣也褻盛服也亦曰絃私居服曰褻

左傳昭元年吾與子弁冕端委服禮記雜記篇復諸侯以褻衣冕服魯弁詩旄卬篇褻如充耳文選左思蜀都賦炫服艷粧論語紅紫不以爲褻服

襲繭禪衣也逢掖大袂禪衣也諸于大掖衣也褶袷也襲重衣也袍衣有著者也短褐袍也楚人謂袍爲短褐短衣也亦謂之襜褕襜褕褌也褻衣和服近身衣也廁

瑜近身小衫也反閉小袖衫爲侯瑜襦袴也桓敞布襦也縕廣分弊麻絮之衣也縕亂麻也麻衣白布衣也

詩丰篇衣錦褰衣左傳襄廿一年重繭衣裳禮記儒行篇衣逢掖之衣後漢書光武紀諸子繡襦禮記喪大記篇君褶衣褶衾王藻篇帛爲褶陸德明釋文褶袂也袂與袷通禮記內則篇寒不敢襲王藻篇縕爲袍後漢書劉平傳給其廩糧爲作短褐淮南齊俗訓必有菅屨跣跣短褐不完者說文衣部引春秋傳曰有空襦史記魏其武安侯傳武安侯坐衣襦瑜入宮楚辭九歌湘夫人篇遺余襟兮澧浦漢書敘傳思有短褐之褻左傳宣九年皆衷其袒服以戲於朝漢書萬石君傳取親中裙廁踰身自澣洒左傳昭廿五年徵褻與襦列子力命篇衣則短褐楊朱篇常衣縕縕漢書蒯通傳卽束縕請火於亡肉家詩蟋蟀篇麻衣如雪

製裘也製雨衣也亦謂之復陶毳罽衣也褐毛布也亦

曰編衣亦曰臬衣貧賤者之服也卉衣草服也蓑笠備雨服也襪襪蓑屨衣也穰蒿草衣也編亂麻爲之曰牛衣亦謂之龍具

左傳定九年哲幘而衣狸製哀什七年成子衣製杖戈昭十二年秦復陶周禮司服祀四望山川則毳毼詩七月篇無衣無褐孟子許子衣褐史記秦始皇太紀寒者利裋褐後漢書陳元傳如得以褐衣召見南蠻西南夷傳鑣體卉衣儀禮既夕記橐車載蓑笠國語齊語身衣襪襪家語六本篇衣襪而提贅漢書王章傳章疾病無被卧牛衣中

景婦人行道禦塵之服也校婦人未嫁者服之

儀禮士昏禮姆加景大戴禮夏小正篇元校

衿領會也祛袂也褰衷也袖衣褌也袷衣袂當掖之縫

也積辟也褻積衣禪也褻在中衣末曰裔要褻也裳正幅曰幃齊裳下緝也裯裳下褻也褻收衣衷也衣單複具謂之襲亦謂之稱直心背之衣謂之當交輸衣圭也纖袪衣飾也

左傳昭十一年衣有禮詩大路篇摯執子之袪兮羔裘篇羔裘豹袪左傳僖五年披斬其袪漢書司馬相如傳曳獨繭之綸褪方言褸褸謂之袖禮記深衣篇褪之高下儀禮士冠禮素積後漢書張衡傳美褻褪以酷裂兮國語晉語衣之偏褪之衣漢書藝文志亦六經之支與流裔詩葛屨篇要之褪之國語鄭語王使婦人不幃而諫之禮記曲禮篇去齊尺玉藻篇足如履齊深衣篇下齊如權衡以應平論語攝齊升堂孔安國注衣下曰齊蓋合衣裳言之也禮記雜記篇總帶史記滑稽傳希繡褸後漢書東平憲王蒼傳乃命留玉時衣各一襲左傳閔二年祭服五稱儀禮鄉射禮記韋當漢書江充傳充衣紗縠褸衣曲裾後



垂交輸史記司馬  
相如傳蜚纖垂髻

元冠委貌也元服冠也緇撮緇布冠也皮冠弁也厭伏  
冠也纁喪冠也鞞帕頭也頭上巾爲冒絮岑牟士冑也

儀禮士冠禮主人元冠漢書五行志上加元服詩都  
人士篇臺笠緇撮孟子以皮冠周禮大司馬則厭而  
奉主車禮記曲禮篇厭冠不入公門左傳哀二年使  
太子纁十二年季氏不纁列子湯問篇鞞巾而裘漢  
書周勃傳太后以冒絮提文帝後  
漢書補衡傳更著岑牟單絞之服

延冕上覆也維持冠者謂之衡所以縣瑱謂之紃冠飾  
曰綏纓無綏者謂之紃纓謂之衻委武冠卷也秦人曰  
委齊東曰武紐武上貫笄者弁之逢中曰會骨擣可會  
髮者曰髀

禮記玉藻篇前後遂延左傳桓二年衡統紘延國語  
魯語王后親織元統公侯之夫人加之以紘紵儀禮  
士冠禮記其紵也紵與紵通禮記玉藻篇緇布冠纁  
紵鄭注紵或作紵呂氏春秋離俗覽丹纁之衿禮記  
雜記篇委武元縞而后紵周禮弁師元冕朱裏延紐  
周禮弁師王之皮弁會五采玉璫詩淇奥篇曾弁如  
星說文骨部  
引詩作贈弁

弗被首飾也亦謂之華勝副若步繇矣編若假紒矣次  
所謂髮髭也纁緇髮也珥瑱也瑱充耳也笄飾之盛者

曰珈

易既濟婦喪其茀詩采芣篇被之僮僮被之祁祁漢  
書司馬相如傳曷然白首戴勝而穴處兮周禮追師  
掌王后之首服爲副編次詩君子偕老篇不屑髭也  
儀禮士昏禮姆纁笄宵衣在其右史記李斯傳傳璣  
之珥儀禮士喪禮瑱用白纁禮記檀弓篇角瑱左傳  
昭廿八年縛一如瑱詩君子偕老篇副笄六珈笄與

珈通太元曹上  
九婦人易智

鞶大帶也淺帶博帶也緺小綬也紛如綬有文而狹者  
紛悅拭物之佩巾也組斜文紛悅之屬也組條也薄濶  
爲組似繩者曰紃印組曰紃繫小囊也率綵也屨布也  
犀毗胡帶鉤也亦曰師比亦曰鮮卑

易訟或錫之鞶帶左傳桓二年鞶厲游纓荀子儒效  
篇逢衣淺帶大元格次七龜緺厲周禮司八筵設莞  
筵紛純禮記內則篇左佩紛悅國策宋策束組三百  
紃禮記內則篇織紃組紃漢書匈奴傳授單于印紃  
內則篇又云施繫表鞶亦與繫通男鞶革女鞶絲禮  
記玉藻篇士練帶率雜記篇率帶左傳桓二年藻率  
鞶鞶漢書匈奴傳黃金犀毗一楚辭大招篇若鮮卑只王逸注鮮卑玄帶頭也

禪下曰履複下曰舄縕縫中紃也屨以藉鞋下也木曰

履衡屨也韜革舄也鞵履也繩菲不借也菲草屨也亦  
曰躋履不著跟曰屨

周禮屨人掌王及后之服屨赤纁黃纁儀禮士冠禮  
青絢纁純莊子天下篇以跂屨爲服禮記雜記篇笱  
衡文選揚雄長楊賦革鞜不穿呂氏春秋召類篇爲  
鞵者也儀禮喪服傳繩菲也荀子正論篇菲對屨史  
記平原君虞卿傳躋躋躋躋躋躋躋躋躋躋躋躋躋躋  
子彈弦跼躋師古注躋與屨同莊子讓王篇原憲華  
冠繼履陸德明  
釋文繼或作屨

褊臂衣也韞足衣也

後漢書明德馬皇后紀蒼頭衣  
綠褊左傳哀廿五年韞而登席

裼褌也小兒被曰褌絡曰襁褌格繩也

詩斯干篇載衣之裼裼似褌引鄭箋裼褌也褌與  
褌通漢書宣帝紀曾孫雖在褌褌葆葆並與褌通史

記趙世家衣以文葆後漢書桓郁傳越在襦保論  
襦負其子而至矣繼與襦通後漢書中屠剛傳始免  
繼繼呂氏春秋明理篇道多襦繼又直諫篇不穀免  
衣繼繼注襦格作縵格又按強葆卽襦葆史記魯周  
公世家成王少  
在強葆之中

### 轉衣裝也褚褚也以綿裝衣曰褚

左傳宣廿四年皆踞轉而鼓琴卅年取我衣冠而褚  
之漢書南越王傳上褚五十衣中褚二十衣下褚二  
十衣  
遺王

### 裯裯被也今日被古曰衾楚人名被爲扈茵著蓐也

詩小星篇抱衾與裯楚辭招魂篇翡翠珠被孝經爲  
之棺槨衣衾以舉之楚辭離騷扈江離與薜芷兮禮  
記少儀  
篇茵席

### 綴衣幄帳也張帷帳也在旁曰帷在上曰幕亦曰帳四

合象宮室曰幄平帳曰帟穹廬毳幕氍毹帳也稠牀帳也

亦曰幬

書顧命篇出綴衣于庭史記高祖紀高祖復留止張周禮幕人掌帷幕幄帟綴之事左傳昭十三年子產以帷幕九張行漢書蘇武傳賜武馬畜服匣穹廬文選李陵答蘇武書韋輔弼幕以禦風雨詩小星篇抱衾與稠幬與稠通文選潘岳寡婦賦代羅幬以素帷

車曰兩亦曰乘大車駕馬曰輦收軫也軫輿也服牝服大車箱也亦謂之箱軾車前橫木也鞅軾中也覆式曰辟辟緣曰植軾式前也陰揜軾也軾式之植者衡者軾轡之植者衡者較兩轡上出式者轡車傍也軾車闌也輓車下縛也亦謂之伏菟僂輪也亦謂之麟牙輪輶也

亦謂之渠亦謂之罔爪輻入牙中者菑輻入轂中者賢  
大穿軹小穿篆轂約也約軹轂飾也軹轂末也害也亦  
謂之軌輅車釭也軌車轄也牽車軸頭金也厄烏蠲也  
輅端橫木謂之衡大車謂之鬲穿輅端著之謂之輓因  
輅端著之謂之軌鬲下曲木駕牛脰者謂之軛衡下又  
馬頸者謂之駒縛輅以屬引者謂之輅輅輓輦橫木也  
芝蓋也黃屋黃蓋裏也青屋青蓋裏也橐蓋弓也蕃車  
耳也駟馬車輅前胡下垂者謂之前疾兩輪間爲軌軌  
車轍也亦謂之軼局車上兵闌也容幃車亦謂之裳幃  
亦謂之童容亦謂之襍軻止車木也亦謂之柅鈴在衡

曰轡在軾曰和車之盛膏器曰輅

書牧誓篇序戎車三百兩左傳隱元年具卒乘宣十二年而卒乘輯睦周禮鄉師與其輦輦史記淮南衡山傳謀輦車四十乘詩小戎篇小戎後收周禮考工記總目加軾與輦焉詩大東篇不以服箱周禮山虞凡服和後漢書張湛傳軾輅馬詩韓奕篇輦輅朝車禮記玉藻篇君羔席虎植大夫齊車鹿席豹植朝車士齊車鹿席豹植考工記輈人軾前十尺而策半之司農注軾或作軾詩小戎篇陰鞿蓋續周禮考工記輈人三分軾圍去一以爲輈圍參分較圍去一以爲輈圍後鄭注軾與輅末同名詩淇奥篇倚重較兮考工記輈人以其隧之半爲之較崇旣建而迤鄭注皆挿車輈禮記曲禮篇展輪効駕苓與輪通禮記少儀篇拖諸臂鄭注臂覆苓也易大畜輿說輅左傳僖十五年車脫其輅太元止次七車輿其儀禮既夕禮遷于祖用軸鄭注軸狀如轉轸周禮考工記輪人牙也者以爲固抱也車人渠三柯者三輪人欲其蚤之正也後鄭注蚤當爲爪察其齒蚤下齟去一以爲賢去三以爲軾周禮巾車孤乘夏箴考工記輪人陳箴



必正詩烈祖篇約軹錯衡解範長轡之軹錯也毛周禮  
考工記總目輪人弓長六尺謂之庇軹軹崇三尺有  
三寸也大馭右祭兩軹祭軌杜子春注軹兩轡也  
鑄暗義禮記少儀篇祭左右軌范乃飲鄭注引周禮  
大馭謂軌與軹同案周禮賈疏禮記孔疏竝訓轡爲  
轂末獨說文解專爲車軸當約轂之中而言之不  
相悖也孟子題辭五經之館銛轄與銛銛同楚辭  
離騷齊王軌而並馳欽與軌同漢書揚雄傳肆玉欽  
而下馳詩泉水篇載脂載牽韓奕篇脩革金厄周禮  
考工記輿人輪崇車廣衡長參如一車人高長六尺  
論語大車無輶小車無軌陋歟齟齬輶之誤職輶  
黔轡轡後漢書列女傳以其頭懸輶鞭撲交之下左  
傳襄十四年射兩駒而還胸與駒通昭廿六年繇胸  
汰輯儀禮既夕禮當前輅淮南兵略訓挽輅首路死  
者後漢書張衡傳左青瑯以健芝兮文選范蔚宗樂  
遊應詔詩黃屋非堯心張衡東京賦朱旄青屋大戴  
禮保傅篇二十八擽以象列星太元積測至于蕃也  
周禮大行人立當前疾國策齊策車不得方軌左傳  
隱元年同軌畢至史記田敬仲完世家伏軾結軼國  
策齊策車軌之所能至左傳宣十二年脫漏周禮巾

車皆有容蓋詩氓篇漸車帷裳儀禮士昏禮有袞旣夕禮疏布袂詩正月篇又蒼陰雨鄭箋動輒則泥陷後漢書馮衍傳發軔新豐兮易妬繫于金柅周禮大馭以鸞和爲節禮記經解篇升車則聞鸞和之音玉藻篇在車則聞鸞和之聲史記孟子荀卿傳矢鼓過髡索隱引劉向別錄過作輶

廣大車也輶兵車也臨衝戰車也渠衝攻城大車也輶車戎車之倅也巢車所以窺望敵軍也亦曰樓車魚軒夫人車也犀軒卿車也驛士車也一曰臥車輶小車也驛傳車也棧車役車也蔥靈輶車也有蔽載重曰輶曲旃曰軒車無文曰縵車廣轍車曰柳車竹篴謂之筍亦謂之編輿篳路柴車也板輿步輿也蜃車柅路也輶殯車也有輻曰輪無輻曰輅車輪轉一周爲嵩

國策西周策載以廣車漢書敘傳衡轡閑閑詩皇矣  
篇與爾臨衝左傳定八年主人焚衝陷衝亦作隆衝  
淮南記論訓隆衝以攻荀子彊國篇是渠衝入穴而  
求利也左傳宣二年趙盾爲軋車之族成十六年楚  
子登巢車以望晉軍釋文引字林作輶宣十五年登  
諸樓車閔二年歸夫人魚軒定九年與之犀軒與直  
蓋成二年丑父寢於輶中漢書平帝紀立輶併馬左  
傳文十四年楚子萊驛詩何草不黃篇有輶之車左  
傳定九年載蔥靈管子問篇鄉師車輶左傳犀軒見  
上注國語晉語乘綬不舉史記季布欒布傳置廣柳  
車中公羊文十五年傳荀將而來也方言引左傳曰  
輶路禮禮以肩山林文選潘岳閒居賦乃御板輿周  
禮遂師共邱籠及屨車之役禮記檀弓篇天子龍輶  
而停輶儀禮既夕記遂匠納車于階間鄭注前後有  
軸以輶爲輪禮記  
曲禮篇立視五輿

引車索也在塗曰引在軸輶曰紼弔所執紼曰統所以  
衣柳曰帷荒在旁曰帷在上曰荒

拾雅

卷十七

舌

禮記檀弓篇必執引雜記篇執引者三百人儀禮既夕禮屬引公羊昭廿五年傳齊侯唁公于野井何休注弔所執紼曰挽禮記喪大記篇援容繡荒

連輦也夏后氏輦曰余車殷曰胡奴車周曰輜輦

易蹇往蹇來連管子海王篇行服連輜輦者周禮鄉師與其輦輦

轅中馬曰服亦曰靳在旁曰駟亦曰駟併駕曰驪二馬

曰駟亦曰麗

國策術策拊駟而答服左傳定九年如駟之靳詩大叔于田篇兩駟如舞采芣篇載駟儀禮覲禮使者降以左駟出禮記檀弓篇使子貢說駟而贈之注箋竝云駟馬曰駟文選顏延年陽給事誅如彼駟駟配服駟衡李善注在服之左曰駟右曰駟後漢書寇恂傳恂以輦車駟駕文選張衡西京賦駟駕四鹿漢書高惠高后文功臣表柏至靖侯許益以駟鄰從詩千秣篇良馬五之孔疏引王肅曰夏后氏駕兩謂之

麗

當盧謂之錫亦謂之月題馬膺前飾謂之繁纓亦謂之  
鈎膺膺馬帶也樊馬大帶也馬帶玦謂之瓊馬銜謂之  
靳口中勒謂之銜銜中鈎逆者謂之櫪以木銜口謂之  
柑以組帶馬謂之裊金釵馬冠也枚馬槌也適馬策也  
策馬捶也捶馬杖也策端鍼以刺馬謂之鋟以粟米飼  
馬謂之秣

詩韓奕篇鈎膺鏤錫莊子馬蹄篇齊之以月題左傳  
成二年繁纓以朝詩采芑篇鈎膺絳革崧高篇鈎膺  
濯濯小戎篇虎韞鏤膺周禮巾車樊纓十有再就鄭  
注樊讀如鞞帶之鞞案鞞繁音相近繁樊字古通用  
文選張衡東京賦咸龍旂而繁纓薛收注鞞今之馬  
大帶也則樊纓卽繁纓矣賦又云鈎膺玉瓊西京賦

結駟方靳國策秦策伏軾搏銜莊子馬蹄篇詭銜竊  
轡史記司馬相如傳銜轡之變公羊宣十四年傳拊  
馬而秣之漢書百官公卿表三簪梟東京賦又云金  
鉞鏤錫左傳襄十八年以枚數闔文選馬融長笛賦  
裁已當適便易持左傳襄十七年左師爲已短策公  
羊定八年傳臨南投策而墜之莊子至樂篇撒以馬  
捶箠與捶同漢書婁敬傳杖馬箠淮南道應訓倒  
杖策鏹上貫頤漢書魏相傳禁秣馬酤酒貯積

繼馬繯也繯在口曰鞮勒馬轡也在背曰鞮在胸曰勒  
在腹曰鞮在後曰鞮勒鞮勒也纓馬鞮也韉驂內轡繫  
軾前者

左傳僖廿四年臣負羈繼鞮與繼同儀禮旣夕記革  
鞮縹亦與繼通後漢書張衡傳繼余縹乎不周楚辭  
離騷余雖好修姱以鞿羈兮後漢書崔實傳方將拊  
勒鞮鞮以救之左傳僖廿八年鞮鞮鞮鞮鞮鞮鞮鞮  
篇孰執羈勒以從國語晉語吾兩鞮將絕  
儀禮旣夕禮纓三就詩小戎篇鑿以鞮鞮

黍稷曰粢器實曰齊在器曰盛米之率糲十稗九鑿八  
侍御七糲脫粟也精鑿也精精米也糲一斛舂爲八斗  
亦曰穀釋淝米也淝汰也漬也澆浚乾漬米也沐米潘  
也潘米汁也菜惡米也麥糠中不破者曰覈亦謂之紇  
頭

公羊桓十四年傳黍盛委之所藏也詩甫田篇以我  
齊明穀梁桓十四年傳天子親耕以共粢盛詩召旻  
篇彼疏斯稗史記刺客傳麤糲之費楚辭離騷精瓊  
靡以爲糲懷椒糲而要之詩生民篇或舂或揄釋之  
叟叟儀禮士喪禮祝淝米于堂孟子接淝而行說文  
水部引孟子曰夫子去齊澆淝而行儀禮士喪禮外  
御受沐入史記外戚世家西沐沐我左傳哀十四年  
使疾者遺之潘沐說文米部引周書有菜誓漢書陳  
平傳亦食  
糠覈耳

米粟之屬曰廩米食曰粒食飯也食大名小數曰飯飯  
飧也熟食曰饔亦曰飧朝曰饔夕曰飧非日中大舉而  
閒食曰稍事既小食也糲乾飯也饘厚粥也亦謂之糜  
稻糜也餼糜也酏薄粥也涼寒粥也以諸和水曰濫擣  
稻米黍米爲粉熬大豆曰糗合蒸曰餌餅之曰饘饋均  
熟曰饘熬麥曰饘煮種麥賣之曰逢食餘曰餃口中所  
含食曰哺饘粥多瀋者曰潏

管子問篇問死事之寡其餼廩何如書益稷篇烝民  
乃粒周禮膳夫掌王之食飲膳羞饌人共王及后之  
六食儀禮少牢饋食禮尸又食論語亞飯干適楚三  
飯繚適蔡四飯缺適秦詩祈父篇有母之尸饔國語  
周語膳宰致飧孟子饔飧而治晉語僖負羈餽飧置  
璧焉周禮宰夫掌其牢禮委積膳獻飲食賓賜之飧



羊膳夫凡王之稍事說文皂部引論語曰不使勝  
既後漢書明帝紀掃地而祭杆水脯饌而已禮記內  
則篇醴醢黍醢左傳昭七年醴於是賜鵠麋國語  
越語句踐載稻與脂於舟以行易鼎覆公餗親蠶周  
禮漿人水漿醴涼醫醢禮記內則篇醢醢儀禮既夕  
禮四簋棗棗棗栗脯周禮籩人羞饌之實棗餅粉麥  
雅釋言饌稔也周禮籩人朝事之籩其實饌黃後鄭  
注今河問以北黃種麥賣之名曰逢禮記曲禮篇饌  
餘不祭漢書高帝紀輟飯吐  
哺淮南原道訓甚淖而哥

牲生曰餼亦曰牽新殺曰饗亦曰鮮殺牲盛饌曰舉

儀禮聘禮君使卿韋弁歸饗餼五牢左傳僖卅三年  
唯是脯資餼牽竭矣書益稷篇暨益奏庶鮮食周禮  
膳夫王  
日一舉

禾米亦曰餼大禮曰饗餼非饗飧之禮曰稍禮食之善  
者曰膳備品物曰薦致滋味曰羞牛酒曰犒

國語周語康人獻饋周禮掌客饗饋九年漿人掌賓客之稍禮天官序官膳夫儀禮燕禮主人酌膳周禮庖人與其薦羞之物公羊莊四年經夫人姜氏饗齊侯于祝邱何休注牛酒曰犒加飯羹曰饗

胙祭肉也肴俎實也豆實亦曰穀凡非穀而食之皆曰穀治肉曰肆割肆解肉也煮於鑊曰亨去其骨曰脫傅火曰燔炕火曰炙燎亦炙也湯肉曰爛鍛而加薑桂曰脩薄析曰脯片之曰胖熬煎也牛曰膾羊曰臠豕曰臠熟爛曰臠實鼎曰胥亦曰升實俎曰載

左傳僖九年王使宰孔賜齊侯胙國語晉語飲而無肴詩賓之初筵篇穀核維旅禮記郊特牲篇腥肆爛臠祭周禮內饗掌王及后世子膳羞之割亨煎和之事爾雅釋器肉曰脫之詩生民篇載燔載烈瓠葉蕭炮之燔之燔之炙之後漢書馮異傳光武對竈燎衣禮記禮器篇三獻爛祭義篇爛祭祭腥而退穀梁莊

廿四年秦東鉞脩周禮腊人凡田獸之脯腊臘脾之事凡祭祀共豆脯薦脯臘肝禮記內則篇淳熬儀禮公食大夫禮腊以東臠臠牛炙楚辭招魂篇腊若芳些周禮內饔王舉則陳其鼎俎以牲體實之儀禮士冠禮載

合升

膾脰肉也膾肩頭也膾前肩之美也刑膾膺肉也膾脾夾脊肉也脊側肉亦謂之肱榦長脅也脅謂之膊膊膊也膘脅後脾前肉也脾股外也脰臟也脯屈曰胸申曰脰鰾皮肉之上魄莫也星肉中如米者餌筋腱也冒著骨肉也肉有骨謂之肺膊股骨也軀槩結骨緊結處也骨中脂曰髓腸間脂曰腴膂羊豬脂爲膂膂肥肉也裁切肉也醢涪洎肉汁也有骨爲醢無骨爲醢殘白

煮肉也

儀禮士虞禮記取諸左臚上公羊桓四年傳達于右  
肅淮南註言訓周公穀臚不收於前周禮內饗掌共  
羞脩刑臚脾骨鱗以待共膳膳人凡祭祀共豆脯薦  
脯臚脾凡腊物禮記內則篇取牛羊麋鹿麇之肉必  
臠儀禮特牲饋食禮佐食舉幹周禮醢人豚拍魚醢  
鄭注鄭大夫杜子春皆以拍爲膊史記司馬相如傳  
脔割輪淳公羊桓四年傳一曰乾豆二曰賓客何休  
注竝云自左臚射之詩車攻篇大庖不盈毛傳同公  
羊又云三日充君之庖何休注自左臚射之達於右  
肅儀禮鄉飲酒禮記薦脯五挺陸德明釋文挺本作  
脔鄉射禮記五臠鄭注臠猶脔也公羊昭廿五年傳  
與四臠脯禮記內則篇去其鮓豕望視而交睫腥鄭  
注腥當作星內則又云去其餌莊子養生主篇技經  
脔食禮膊胙文選揚雄長楊賦髓余吾注蒨古譴字  
禮記郊特牲篇取腓胫燔燎升首周禮考工記鮓人  
則是博爲饅也鄭注饅或讀爲羊猪爰之菱陸德  
明釋文俗謂羊猪脂爲膾豈取此乎漢書蒨通傳號

曰雋永文選枚乘七發腥醢肥厚儀禮士虞禮裁四  
豆周禮醢人其實韭菹醢醢儀禮士昏禮大羹湆在  
饗公食大夫禮大羹湆不和士虞禮泰羹湆自門入  
少牢饋食禮又進二豆湆于兩下特牲饋食禮設大  
羹湆于醢北左傳襄廿八年而以其泊饋史記孝武  
本紀水而泊之周禮醢人昌本麋麋文選張協七命  
髦殘  
象白

鮓八珍之具也膾牒生魚爲大鱠鯁魚骨也奧脾臍也  
寒臍穴也凡肉有菜曰羹無菜曰臠芼菜釀也凡醢醬  
所和細切爲齏全物若牒爲菹全菹爲芋烹和曰泔亦  
曰奧煑曰淪

易鼎覆公餗周禮邊人膾鮑魚鱠禮記少儀篇祭燕  
內則篇魚去乙鄭注食之鮓人不可出內則又云鵠  
與鹿胃文選曹植七啟寒芳苓之巢龜楚辭招魂篇  
露雞臠蟻禮記內則篇雉兔皆有芼周禮醢人以五

齊七醢七菹三醢賓之儀禮士喪禮其實葵菹芋荀  
子大略篇曾子食魚有餘曰泔之門人曰泔之傷人  
不若與之爾雅釋草莠隆  
葱郭璞注亦可滷食也

醬醢醢也胥醬也染鼓醬也齊醬屬梅醋也醢梅漿也  
漿酪酢醢也醢酢醬也飲酒漿也鹽鹽也卯鹽大鹽也  
戎鹽青鹽也鹽之恬者曰飴大鹹曰醢越人謂鹽曰餘  
漆烝蔥也辛椒薑也以蘭桂調食曰勺藥秦人洩曰滷  
齊人滑曰澹

周禮膳夫醬用百有二十膳庖人共祭祀之好羞鄭  
注青州之蟹胥呂氏春秋當務篇具染而已禮記曲  
禮篇徹飯齊以授相者少儀篇凡齊執之以右居之  
於左書說命篇爾雅鹽梅禮記內則篇漿水醢醢禮  
一運篇以爲醢醢醢雜記篇食鹽醢可也漢書食貨志及  
醋載灰炭周禮膳夫掌王之食飲膳羞左傳成六年

沃饒而近鹽禮記內則篇桃諸梅諸卵鹽水經河水篇又東南逕朔方縣故城東北鄆道元注引魏土地記其鹽大而青白名曰青鹽又名戎鹽周禮鹽人王膳羞共飭鹽禮記曲禮篇鹽曰鹹醢越絕書外傳記地傳朱餘者越鹽官也禮記曲禮篇葱藻處末楚辭招魂篇辛甘行些漢書司馬相如傳勺藥之和史記集解引郭璞注勺藥五味也義亦相近禮記內則篇滷醢以滑之

黃流秬鬯也酎醇也重釀之酒也酤一宿酒也醲白酒也酳白白醴酒也清茜之也茜以茅沛之也沽酒曰滌沛曰清不沛曰糟糟酒滓也粕已漉之麴糟也一曰糟爛爲魄麴米麴也齊人名麴麴曰媒媒酒教也爛齏乾酪也以爲酪母

詩早麓篇黃流在中禮記月令篇天子飲酎詩伐木篇無酒酤我儀禮聘禮醢黍清皆兩壺周禮酒正三

曰春齊鄭注如今鄭白矣詩伐木篇有酒湑我周禮  
司尊彝凡酒修酌鄭注修讀如滌濯之滌酒正醫醕  
糟淮南道應訓是直聖人之糟魄已夫魄與粕通楚辭  
好弄莊子天道篇古人之糟魄已夫魄與粕通楚辭  
大招篇吳醕白釀周禮地官甸人甸人甸人漢書李廣  
傳隨而媒棄其短揚雄傳燒燔蠹文選作煥蠹

鑊烹牲器也無足曰鑊有足曰鼎小鼎曰錯亦曰鐸或  
曰鼎無耳爲鐸以木橫貫鼎耳而舉之曰扃亦曰鼎空  
足曰鬲

周禮大宗伯省牲鑊淮南說山訓嘗一鸞肉知一鑊  
之味鼎錯日用而不足貴說林訓水火相增錯在其  
間五味以和周禮考工記廟門容大扃七個闔門容  
小扃參个說文鼎部引周禮作容大鼎七個史記楚  
世家吞三鬲六翼以高  
世主索隱鬲亦作融

歷釜鬲也無底甑謂之甑上孔謂之窒甑鑊謂之釜



史記滑稽傳銅歷爲棺周禮考工記陶人爲甗楚辭哀時命篇璋珪雜於甌窰今莊子大宗師篇皆在鑑鍾之間耳

玉執之曰璫陳列曰玉白者曰瑀赤者曰瑒瑒琨瑒珣玕琪龍輔流黃沙棠美玉也玉未理者爲璞美者爲瑜水玉水精也禱旱玉曰瓏玲瓠惡玉也

書舜典篇五玉三帛大戴禮保傳篇瑒瑒以雜之書禹貢篇瑒琨瑒瑒舜典篇在瑒瑒玉衡爾雅釋地有醫無閭之珣玕琪焉左傳昭廿九年使獻龍輔於齊侯淮南本經訓流黃出而朱草生陸形訓沙棠琅玕在其東國策策鄭人謂玉未理者曰璞禮記聘義篇瑕不掩瑜山海經南山經堂庭之山多水玉漢書揚雄傳和氏瓏玲宋祁注引呂氏春秋曰大旱用瓏玲周禮弁師璫玉三采鄭注故書璫作瓏

佩上飾曰珩佩下飾曰璜佩刀下飾曰琕上飾曰琕曲

瓊玉鉤也

國語晉語白玉之珩六雙韋昭注傳曰上有蔥珩下有雙璜詩瞻彼洛矣篇韓琇有秘楚辭招魂篇挂曲些瓊

圓澤爲珠廉隅爲璣琅玕瓊瑰火齊珠也

楚辭七諫諫諫篇貫魚眼與珠璣書禹貢篇厥貢惟球琳琅玕左傳成十七年或與已瓊瑰食之文選班固西都賦翡翠火齊

兼金好金也白撰白金也陽燧金也或謂之鑒燧鑠金食器也金銀印也金鋪銀鋪門以金銀爲鋪首也

孟子王餽兼金一百而不受漢書食貨志故白金三品其文龍名白撰直三千淮南天文訓陽燧見日則燃而爲火周禮考工記攻金之工鑒燧之齊後漢書張奐傳又遺金鑠八枚班超傳帶金銀護西域文選

左思蜀都賦金鋪交映何  
晏景福殿賦青鎖銀鋪

錫鑑也鉛青金也赤金曰銅曾青銅之精形如珠者青

空青也丹砂也亦謂之丹矸亦謂之丹礫鉛華粉也

周禮職方此其利金錫竹箭後漢書隗囂傳但驚馬  
鉛刀漢書食貨志及金刀龜貝荀子正論篇重之以  
曾青周禮職金掌凡金玉錫石丹青之戒令荀子王  
制篇南海則有羽翮齒革曾青丹干焉正論篇加之  
以丹矸文選郭璞江賦其下則金  
礦丹礫曹植洛神賦鉛華弗御

珠十貫曰琲金玉未成器曰礦鋌銅鐵璞也鑱鋌也銅

未鑄鑠曰積石鉛銅屑也銷生鐵也鏤剛鐵也大剛曰

鉅鉤亦謂之鉅琅當長鑱也鑄釘也鉤一環貫二也鐻

環舌也渠答鐵蒺藜也

文選左思吳都賦珠璣闌干周禮地官序官升人鄭  
注升之言礦也文選張協七命耶谿之鉉鑊越鍛成  
李善注鑊或為鑊積石見論衡量知篇漢書食貨志  
而姦或盜摩錢質而取鎔七命又云銷踰羊頭李善  
注引淮南子羊頭之銷書禹貢篇璆鐵銀鑊砮磬荀  
子議兵篇宛鉅鐵鉋文選潘岳西征賦於是弛青鯤  
於網鉅漢書王莽傳以鐵鎖琅當其頭銀鑊與琅當  
同後漢書崔實傳錮之銀鑊鐵鎖禮記喪大記用雜  
金鑊詩盧令篇盧重錡莊子肱篋  
篇固扇錡漢書鼂錯傳布渠答

金玉曰貨布帛曰賄蠻夷貨曰縑

周禮大宰六曰商賈阜通貨賄文選左思吳都賦縑  
貨紛紜案周禮鄭注以金玉布帛分訓貨賄實則通  
謂之貨漢書食貨志貨謂布  
帛可衣及金刀龜貝是也

布錢也錢謂之泉亦謂之圜亦謂之刀亦謂之幣重曰  
母輕曰子錢背曰幕玉馬皮帛亦謂之幣

孟子廼無夫里之布周禮外府掌邦布之入出廼人同載師宅不毛者有里布禮記檀弓篇子碩欲以賻布之餘具祭器管子輕重丁篇今齊西之粟釜百泉漢書食貨志立九府圉法及金刀龜貝利於刀史記吳王濞傳亂天下幣國語周語於是乎有母權子而

行史記大宛傳錢如其王面漢書西域傳幕爲人面

周禮大宰四曰幣貢

幣帛曰繒束帛也五匹爲束十端也帛壁色繒素生帛也練熟帛也大練大帛也曼帛細帛也縵無文之帛也大帛綈厚繒也織細繒也縞白繒鮮支也綺文繒也文繒細綾也綃綺屬紡縑縛也素沙白縛也季絹細絹也縠紗也輕者爲紗縠者爲縠方空薄紗也縵方目紗也羅縠也阿纖縠也貝錦也玉錦錦文織縠者也文織畫

及錦繡也抽引麤繭緒紡而織之曰紬絡綿紬也絺之  
靡者曰縐縐之黑經白緯曰綾亦曰縠

禮記禮運篇縐者宣祝嘏辭說後漢書第五倫傳束  
修之饋易黃束帛菱菱左傳襄十九年賄荀偃束錦  
儀禮士冠禮束帛儼皮士昏禮元纁束帛公食大夫  
禮公受宰夫束帛以侑周禮大宗伯孤執皮帛儀禮  
聘禮受享束帛加璧禮記雜記篇純以素玉藻篇士  
練帶後漢書明德馬皇后紀常衣大練淮南子論訓  
非能具綈綿曼帛急就篇錦繡縵絁離雲爵左傳閔  
二年大帛之冠管子輕重戊篇魯梁之民俗爲綈史  
記范睢蔡澤傳取綈袍賜之夏本紀其筐織貝書禹  
貢篇厥篚元纁縐史記司馬相如傳揄紵綺戰國策  
齊策曳綺縠漢書高帝紀賈人無得衣錦繡綺縠紵  
屬地理志織作冰紵綺縠純麗之物師古注綺文縐  
卽今所謂細綾儀禮士昏禮姆纁笄宵衣在其右鄭  
注宵讀爲素衣朱綃之綃特姓饋食禮主婦纁笄宵  
衣禮記玉藻篇元綃衣以楊之聘禮賄用束紡漢書  
外戚傳愷爲翁須作絲單衣周禮內司服素沙管子

乘馬篇季綃三十三制當一鑑後漢書章帝紀詔齊  
相省冰絺方空殺江充傳充衣紗縠裋衣冠襪步  
搖縱與纒通漢書地理志三服官獻冠幘縱淮南齊  
俗訓弱錫羅袂列子周穆王篇衣阿錫楚辭招魂篇  
被文服纖書禹貢篇厥篚織貝儀禮聘禮士介四人  
皆奉玉錦束請覲周禮王府文織良貨賄之物急就  
篇絳緹絳絳綠縹縹縹縹縹縹縹縹縹縹縹縹縹縹縹  
老篇蒙彼綃縹縹縹縹縹縹縹縹縹縹縹縹縹縹縹縹  
莖葛蕉葛細葛也暴布白布也織錫黃潤細布也細而  
疏者謂之總大布誇布雜布麤布也麤布亦謂之資白  
越越布也越之細者曰升越楚人名布爲曹蜀有布曰  
橦華橦布白疊布也亦曰答布亦曰都布橦南蠻夷布  
也其歲輸賦曰資布火毳火浣布也

漢書江都易王非傳亦遺建莖葛文選左思吳都賦  
蕉葛升越管子乘馬篇暴布百兩當一鑑史記孝文

本紀織七日儀禮大射儀幕用錫若絺絺與錫通淮南齊俗訓弱緡羅執文選左思蜀都賦黃潤比筒儀禮喪服傳總衰者何以小功之總也左傳閔六年衛文公大布之衣莊子山木篇莊子衣大布而補之漢書孝成許皇后傳妾誇布服糲食荀子賦篇雜布與錦不知異也荀子禮論篇資蠶衰經非總管履後漢書明德馬皇后紀白越三千端升越見上注淮南說林訓曹氏之裂布蛛者貴之蜀都賦又云布有僮華史記貨殖傳榻布皮革千石漢書貨殖傳作答布後漢書馬援傳更爲援制都布單衣南蠻西南夷傳其民戶出帛布八丈二尺又其宗帳火毳又云歲令大人輸布一疋小口二丈是謂賣布

緡絲也線縷也絮縣也綸芮絮也縕縕及舊絮也黹縕黃綿也練麻曰縕柳敗衣也幅廣爲純匹長爲制制幣丈八尺純四猳布八十縷爲升亦曰縕機縷曰紵

史記平準書賈人絳周禮縫人掌王宮之縫線之事漢書文帝紀絮三斤淮南齊俗訓綸組節束呂氏春



秋必已篇不衣芮溫禮記玉藻篇緇爲袍論語衣弊  
緇袍文選張衡東京賦黈纆塞耳孟子妻辟纆易既  
濟縞有衣袷周禮內宰出其度量淳制鄭注故書淳  
爲敦杜子春讀敦爲純質人壹其淳制注同儀禮既  
夕贈用制幣喪服冠六升史記孝景本紀令  
徒隸衣七綬布漢書食貨志嬪婦桑蠶織紵

竹簡冊也竿牘竹簡書也方簡曰觚方版也木簡薄小  
者曰札牒札也翰筆也管筆彊也削書刀也刮剗巧工  
鉤刀也赫蹏薄小紙也草文藁也

後漢書和熹鄧皇后紀必書功於竹帛莊子列禦寇  
篇不離苞苴竿牘文選陸機文賦或操觚以率爾周  
禮著蒺氏以方書十日之號儀禮聘禮記不及百名  
書于方既夕禮書賜于方禮記曲禮篇書方中庸篇  
布在方策漢書郊祀志卿有札書左傳昭廿五年受  
牒而退文選揚雄羽獵賦故藉翰林以爲主人禮記  
內則篇右佩決捍管籥後漢書蘇竟傳走昔以摩研  
編削之才淮南假真訓鏤之以刮剗漢書孝成趙皇

后傳武發篋中有裹藥二枚赫蹏書晉灼注今謂薄  
小物爲闕蹏師古注赫或作擊淮南王安傳常遣司  
馬相如等  
視草乃遣

籍書也書舒也業篇卷也名字也古曰名今曰字

左傳成二年非禮也勿籍書舒見孝經援神契禮記曲禮篇請業則起周禮大行人論書名外史掌達書名於四方論語必也正名乎

六藝六經也河洛所出書曰讖制制書也陳事曰表謀  
譜也計簿書也簿文記也質劑傳別約劑書契判書質  
要券書也書兩札刻其側曰券爲書以著其幣曰揭揭  
槩印封也僕區刑書也移書檄露布也露布不封之也  
亦曰露版捷書也羽檄徵兵之書也兩行書綰帛分持

一出入關合之曰傳刻木爲合符曰棨

後漢書班彪傳講論乎六藝文選左思魏都賦藏氣  
讖緯後漢書范冉傳制諸府掾屬不得妄有去就史  
記有八表文選有表類漢書揚雄傳靈宗初謀伯僑  
今牒與謀通文選謝靈運人華子岡是麻源第三谷  
詩圖牒復唐滅國策齊策五官之計後漢書鍾離意  
傳以資物簿入大司農周禮小宰聽賣買以質劑質  
人凡賣債者質劑焉小宰聽稱責以傅別太史及萬  
民之有約劑者藏焉士師正之以傅別約劑小宰聽  
取予以書契司會凡在書契版圖者之貳質人掌稽  
市之書契朝士凡有責者有判書左傳文六年趙盾  
爲國政由質要周禮職幣以書揭之職金揭而璽之  
左傳昭七年作僕區之法後漢書安帝紀國相歲時  
名與計偕上尚書李雲傳乃露布上書露版見封氏  
聞見記漢書淮南王安傳持羽檄從南方來文帝紀  
除關無用傳

使者所擁以明信曰節

禮記玉藻篇凡君召以三節

以木曰弧以角曰弓敦弓畫弓也砥彫弓也琰黑弓也  
繁弱大弓也烏號桑柘弓也鉅黍良弓也弓有臂者曰  
弩黃間弩也大黃其大者也弩弓亦謂之卷谿子蠻夷  
弩也

漢書韓安國傳弧弓射獵詩行葦篇敦弓既堅敦弓  
既句孟子張朕左傳僖廿八年旅弓矢千盧與旅通  
公羊定四年傳挾弓而去楚何休注士盧弓左傳定  
四年封父之繁弱蕃與繁通漢書司馬相如傳彎蕃  
弱文穎注夏后氏之良弓名淮南俶真訓烏號之弓  
荀子注惡篇繁弱鉅黍古之良弓也說文弓部引周  
禮四弩夾弩庾弩唐弩大弩文選潘岳射雉賦捧黃  
間以密毅黃間一曰黃肩漢書李廣傳而廣身自以  
大黃射其裨將服虔注黃肩弩也司馬遷傳張空卷  
素與卷通文選潘岳閒居賦異素同機淮南俶真訓

谿子  
之弩

附弓把也質跗也隈弓淵也帑弓中裨也弣弦也纏絃  
謂之依附側矢道謂之捷發弓衣也秘菱柅弓檠也檠  
弓桺也機臂弩身也班皮篋盛弩也

儀禮大射儀見鐵于附禮記曲禮篇左手承附公羊  
定八年傳弓繡質儀禮大射儀順左右隈威與隈通  
周禮考工記弓人恒當弓之畏杜子春云畏當爲威  
後鄭注畏讀如隈記又云厚其帑則木堅薄其帑則  
需太元止次八絕弣破車終不偃儀禮既夕記設依  
捷焉左傳成十六年中項伏弣哀二年伏弣嘔血儀  
禮既夕禮有秘弣與秘音義相近荀子臣道篇功伐  
足以成國之大利謂之拂楊倞注拂讀爲弣弣所以  
輔正弓弩者也周禮考工記弓人今夫菱解中有變  
焉故校荀子非相篇接人則用柅柅與柅通考工記  
弓人又云譬如終繼文選左思魏都賦弓玃解檠檠  
與檠同荀子性惡篇然而不得排檠則不能自正檠

與檄通淮南說山訓檄不正而可以正弓楚辭哀時  
命篇外迫脅於機臂兮漢書張安世傳送以輕車介  
士師占注引續漢書云  
輕車苗矛戟幢麾班弩

金僕姑敢善矢也噉矢猛矢也錐矢鏃矢小矢也篇矢  
大矢也鳴鏑箭也白羽矢也繳繫短矢謂之矰

立傳莊十一年公以金僕姑射南宮長萬宣十二年  
左射以敢抽矢敢騶與敢通漢書鼂錯傳材官騶發  
莊子在宥篇焉知會史之不為桀紂噉矢也國策齊  
策疾如錐矢呂氏春秋貴卒篇所為貴鏃矢者高誘  
注小曰鏃矢大曰篇矢史記匈奴傳作為鳴鏃文選  
鮑明遠擬古詩雷我一白羽周禮司弓矢矰矢史記  
雷侯世家  
雖有矰繳

筈矢幹也七鍦矢鏃也砮石鏃也髀骨鏃也拔究括也  
鏃箭足入橐中者也握中央也箝矢箝也魚服魚皮也

竹箛亦曰籠房箭舍也冰檣丸蓋也簡盛弩箭箛也鞬  
決也決鉤弦也拾遂也遂臂鞬也極放絃也并夾矢衛  
也藪矢的也招墀藪也儀弩招顏也

周禮考工記總目胡之弓儀禮鄉射禮堂前三弓  
大射儀北一弓左傳昭廿六年七入者三寸漢書陳  
勝項籍傳贊銷鋒鋌鏑與鏑通文選潘岳射雉賦馥  
焉中鏑國語魯語楷矢貫之石弩爾雅骨鏑不翦謂  
之志郭璞注今之骨髀是也詩駉鐵篇舍拔則獲漢  
書揚雄傳充鏑瘕者金鏑淫夷者數十萬人周禮考  
工記冶氏鏑十之儀禮鄉射禮則兼束之以茅上握  
焉儀禮既夕記役器甲冑干箒詩采芣篇象弭魚服  
采芣篇簟第魚服周禮司弓矢充籠箛矢左傳宣十  
二年納諸廚子之房昭十三年飲冰廿五年公徒釋  
甲執冰而踞擗與冰通詩大叔于田篇抑釋擗忌毛  
傳所以覆矢陸德明釋文引馬注擗檣丸蓋也漢書  
韓延壽傳抱弩負簡擗與簡通史記信陵君列傳負  
簡矢詩芄蘭篇童子佩鞬車攻篇決拾既伏挾與決

同周禮繕人掌王之用弓弩矢箠矰弋挾拾鄒司農  
注引詩云挾拾既次詩家說或謂挾謂引絃強也儀  
禮大射儀說挾拾袒決遂朱極三士喪禮組繫纁極  
二周禮司弓矢共弓矢如數并夾射鳥氏則以并夾  
取之國語越語用人無藝史記司馬相如傳藝殪仆  
呂氏春秋別類篇射招者欲其中小也淮南齊俗訓  
夫一儀不  
可以百發

設射質棲皮者也的質也質的亦謂之格畫布曰正棲  
皮曰鵠方十尺曰侯四尺曰鵠二尺曰正四寸曰質居  
侯兩旁謂之个左右出謂之舌

管子小稱篇羿有以感弓矢故設可得中也詩賓之  
初建篇發彼有的淮南原道訓先者則後者之弓矢  
質的也兵略訓射儀度不得則格的不中禮記射義  
篇發而不失正鵠者周禮司裘王大射則共虎侯熊  
侯豹侯設其鵠儀禮鄉射  
禮記倍弓以爲左右舌



五十矢爲束所以承筈齊矢謂之楅算器謂之中射時立處謂之物

詩泮水篇束矢其搜儀禮鄉射禮立于所設楅之南命弟子設楅大射儀賓之弓矢與中籌豐禮記投壺篇司射奉中儀禮鄉射禮記物長如筈

所以自隱謂之翳

禮記月令篇畢翳